

資治通鑑

冊古



1

資治通鑑卷第三十九

翰林學士兼侍讀學士朝散大夫右諫議大夫知制誥判尚書都省兼提舉萬壽觀公事上護軍河內郡開國侯食邑二千三百戶賜紫金魚袋臣司馬光奉勅編集

後學天台胡三省音註

漢紀三十一

起昭陽協洽盡闕逢涸灘凡二年

淮陽王

諱玄字聖公光武族兄也帝王世紀曰春陵戴侯熊渠生蒼梧太守利利生子張子張生玄後敗降赤眉

更始元年

更工衡翻是年二月即位改元

春正月甲子朔漢兵與下江

兵共攻甄阜梁丘賜斬之

甄之

殺士卒二萬餘人王莽納言將軍嚴尤秩宗將軍陳茂引兵欲據宛

劉續與戰於涪陽下

宛於

續漢志涪陽縣屬南陽郡賢曰故城在今鄧州南陽縣南涪水之陽因名涪音育

資治通鑑三十九 漢紀 淮陽王 一 中華書局聚

大破之遂圍宛先是青徐賊衆雖數十萬人訖無文

書號令旌旗部曲

師古曰文謂文章號謂大位號也一日號謂號令也先悉薦翻

及漢兵起

皆稱將軍攻城略地移書稱說

稱說者數莽之罪也

莽聞之始懼

舂陵戴侯曾孫玄在平林兵中號更始將軍

更工衡翻

時

漢兵已十餘萬諸將議以兵多而無所統一欲立劉

氏以從人望南陽豪桀及王常等皆欲立劉縯而新

市平林將帥樂放縱

樂音洛

憚縯威明貪玄懦弱先共

定策立之然後召縯示其議縯曰諸將軍幸欲尊立

宗室甚厚然今赤眉起青徐衆數十萬聞南陽立宗

室恐赤眉復有所立

其後赤眉果立盆子復扶又翻

王莽未滅而宗室

相攻是疑天下而自損權

言宗室爭立則天下莫知所從是疑天下之心而自損其權也

非

所以破莽也舂陵去宛三百里耳遽自尊立爲天下

準的使後人得承吾敝非計之善者也不如且稱王

以號令王勢亦足以斬諸將若赤眉所立者賢相率

而往從之必不奪吾爵位若無所立破莽降赤眉降

江翻然後舉尊號亦未晚也諸將多曰善張卬拔劍擊

地考異曰司馬彪續漢書卬作卬袁宏後漢紀作斤皆誤今從范曄後漢書曰疑事無功戰國策肥義對

趙武靈王之言今日之議不得有二衆皆從之二月辛巳朔設

壇場於清水上沙中水經注清水出弘農盧氏縣攻離山東南過南陽西鄂縣西北又東過宛縣南諸將

立聖公於斯水之上玄卽皇帝位南面立朝羣臣朝直羞愧流汗

舉手不能言於是大赦改元以族父良爲國三老王

匡爲定國上公王鳳爲成國上公朱鮪爲大司馬劉

續爲大司徒陳牧爲大司空餘皆九卿將軍匡鳳皆位上公而加

定國成國美號也九卿將軍職爲九卿各帶將軍之號仍王莽之制也由是豪桀失望多不服

豪桀欲立續而今立玄故失望王莽欲外示自安乃染其須髮立杜

陵史謚女爲皇后謹時置後宮位號視公卿大夫元

士者凡百二十人

三夫人視三公九嬪視九卿二十七世婦視二十七大夫八十一御妻視八十一元士

莽赦天下詔王匡哀章等討青徐盜賊嚴尤陳茂

等討前隊醜虜明告以生活丹青之信

師古曰生活謂來降者不殺之

也丹青之信言明著也

復迷惑不解散

復扶又翻

將遣大司空隆新公

將百萬之師剽絕之矣

師古曰剽絕也音子小翻司空隆新公王邑

三月王

鳳與太常偏將軍劉秀等徇昆陽定陵鄆皆下之

賢曰

昆陽定陵鄆皆縣名並屬潁川郡昆陽故城在今許州葉縣北二十里鄆今豫州鄆城縣也定陵在今鄆城西北鄆音於建翻余按舊

唐書高宗咸亨二年冬校獵於許州葉縣昆水之陽

王莽聞嚴尤陳茂敗乃遣司

空王邑馳傳

傳知戀翻

與司徒王尋發兵平定山東徵諸

明兵法六十三家以備軍吏以長人巨毋霸為壘尉

鄭玄曰軍壁曰壘賢曰壘尉主壁壘之事

又驅諸猛獸虎豹犀象之屬以助威

武邑至洛陽州郡各選精兵牧守自將

守式又翻將即亮翻

定會

者四十三萬人號百萬餘在道者旌旗輜重千里不

絕

賢曰周禮曰析羽為旌熊虎為旗輜車名釋名曰輜圓也謂軍糧什物雜廁載之以其累重故稱輜重音直用翻

夏五

月尋邑南出潁川與嚴尤陳茂合諸將見尋邑兵盛

皆反走入昆陽惶怖憂念妻孥

賢曰孥子也音奴

欲散歸諸城

劉秀曰今兵穀既少

少詩沼翻

而外寇强大并力禦之功

庶可立如欲分散勢無俱全且宛城未拔

賢曰謂伯升圍宛未拔也

不能相救昆陽即拔一日之間諸部亦滅矣今不同

心膽共舉功名反欲守妻子財物邪諸將怒曰劉將

軍何敢如是秀笑而起會候騎還言大兵且至城北

軍陳數百里不見其後

陳讀曰陣

諸將素輕秀及迫急乃

相謂曰更請劉將軍計之秀復為圖畫成敗

復扶又翻為于偽翻

諸將皆曰諾時城中唯有八九千人秀使王鳳與廷

尉大將軍王常守昆陽夜與五威將軍李軼等十三

奇

賢曰王莽置五威將軍其衣服依五方之色以威天下李軼初起猶假以為號余謂如太常偏將軍廷尉大將軍之類亦猶莽之納

言大將軍秩宗大將軍是
即前所云九卿將軍也

出城南門於外收兵時莽兵到

城下者且十萬秀等幾不得出

幾居希翻

尋邑縱兵圍昆

陽嚴尤說邑曰

說輸芮翻

昆陽城小而堅今假號者在宛

假號者謂更始也

亟進大兵彼必犇走宛

敗昆陽自服邑曰吾

昔圍翟義坐不生得

翟義事見二十六卷王莽居攝二年賢曰坐才臥翻

以見責讓

今將百萬之衆遇城而不能下非所以示威也當先

屠此城蹀血而進

師古曰蹀音大頰翻蹀謂履涉之也

前歌後舞顧不快

邪遂圍之數十重列營百數鉦鼓之聲聞數十里

直重

龍翻音問

或為地道衝鞠撞城

賢曰衝撞車也詩曰臨衝閑閑許慎曰鞠樓車也鞠音步耕翻撞丈

積弩亂發矢下如雨城中負戶而汲王鳳等乞降

不許

降戶江翻

尋邑自以為功在漏刻不以軍事為憂嚴

尤曰兵彘圍城為之闕

師古曰此兵法之言也闕不合也孫子曰圍師必闕曹操注云司馬法云

圍其二面闕其一

面所以示生路也宜使得逸出以怖宛下

怖普布翻

邑又不聽

棘陽守長岑彭

姓譜岑古岑子國之後呂氏春秋周文王封異母弟耀之子渠為岑子其地梁國岑亭是

也彭棘陽人守本縣長長知兩翻

與前隊貳嚴說

貳副也莽使說為前隊大夫甄阜之副也

共守

宛城漢兵攻之數月城中人相食乃舉城降更始入

都之諸將欲殺彭劉續曰彭郡之大吏執心固守是

其節也今舉大事當表義士不如封之更始乃封彭

為歸德侯

賢曰歸德縣名屬北地郡宋白曰慶州華池縣本漢歸德縣地又通遠軍西北有歸德川

劉秀

至鄧定陵悉發諸營兵諸將貪惜財物欲分兵守之

秀曰今若破敵珍寶萬倍大功可成如為所敗

敗補邁翻

首領無餘何財物之有乃悉發之六月己卯朔秀與

諸營俱進自將步騎千餘為前鋒去大軍四五里而

陳

陳讀曰陣

尋邑亦遣兵數千合戰秀犇之斬首數十級

賢曰秦法斬首一賜爵一級因謂斬首為級

諸將喜曰劉將軍平生見小敵怯

今見大敵勇甚可怪也且復居前請助將軍秀復進

尋邑兵卻諸部共乘之斬首數百千級自數百級以至千級也復扶又

翻連勝遂前諸將膽氣益壯無不一當百秀乃與敢

死者三千人從城西水上衝其中堅賢曰敢死謂果敢而死者凡軍事中軍將

軍至尊以堅銳自輔故曰中堅也余謂敢死者敢於致死者也尋邑易之易以自將萬餘人

行陳師古曰巡行軍陳也行音下更翻陳讀曰陣下同敕諸營皆按部毋得動獨

迎與漢兵戰不利大軍不敢擅相救尋邑陳亂漢兵

乘銳崩之遂殺王尋城中亦鼓譟而出中外合執震

呼動天地呼火故翻莽兵大潰走者相騰踐伏尸百餘里

會大雷風屋瓦皆飛雨下如注滄川盛溢水經曰滄水出南陽魯陽

縣西堯山東南經昆陽城北東入汝滄音直理翻虎豹皆股戰士卒赴水溺死者

以萬數賢曰數過於萬故以萬為數水為不流為于偽翻王邑嚴尤陳茂輕

騎乘死人度水逃去盡獲其軍實輜重不可勝算直重

用翻勝音升舉之連月不盡或燔燒其餘士卒犇走各還

其郡王邑獨與所將長安勇敢數千人還洛陽關中

聞之震恐於是海內豪桀翕然響應響應若響之應聲也皆殺其

牧守自稱將軍用漢年號以待詔命旬月之間徧於

天下莽聞漢兵言莽鳩殺孝平皇帝乃會公卿於

王路堂開所為平帝請命金滕之策事見二十六卷平帝元始六年為于偽翻

泣以示羣臣劉秀復徇潁川攻父城不下賢曰父城縣名故城

在今許州葉縣東北汝州郟城縣亦有父城復扶又翻下同屯兵巾車鄉賢曰巾車鄉名也在父城界潁

川郡掾馮異監五縣掾俞絹翻監古銜翻為漢兵所獲異曰異有

老母在父城願歸據五城以效功報德秀許之異歸

謂父城長苗萌曰諸將多暴橫長知兩翻橫戶孟翻獨劉將軍所

到不虜略觀其言語舉止非庸人也遂與萌率五縣

以降降戶江翻新市平林諸將以劉續兄弟威名益盛

陰勸更始除之秀謂續曰事欲不善言更始欲相圖也續笑曰

常如是耳更始大會諸將取續寶劍視之綉衣御史

申徒建隨獻玉玦

申徒即申屠賢曰玦決也令早決斷

更始不敢發續舅

樊宏謂續曰建得無有范增之意乎

范增事見九卷高帝元年

續不

應李軼初與續兄弟善後更詔事新貴

新貴謂朱鮪等

秀戒

續曰此人不可復信

復扶又翻

續不從續部將劉稷勇冠

三軍

冠古玩翻

聞更始立怒曰本起兵圖大事者伯升兄

弟也今更始何為者邪更始以稷為抗威將軍稷不

肯拜

不肯拜受抗威之命也

更始乃與諸將陳兵數千人先收稷

將誅之續固爭李軼朱鮪因勸更始并執續即日殺

之以族兄光祿勳賜為大司徒

賜與更始同祖蒼梧太守利

秀聞之

自父城馳詣宛謝

賢曰以伯升見害心不自安故謝

司徒官屬迎弔秀

續之官屬也

秀不與交私語

遠嫌也

惟深引過而已

引過以歸己

未嘗

自伐昆陽之功又不敢為續服喪

為于偽翻

飲食言笑如

平常更始以是慙拜秀為破虜大將軍封武信侯

道士西門君惠謂王莽衛將軍王涉曰讖文劉氏當

復興復扶又國師公姓名是也涉遂與國師公劉秀

大司馬董忠司中大贅孫伋謀以所部兵劫莽降漢

以全宗族涉欲全王氏之族也降戶江翻秋七月伋以其謀告莽莽召

忠詰責因格殺之使虎賁以斬馬劍剄忠收其宗族

以醢醢毒藥白刃叢棘并一坎而埋之秀涉皆自殺

莽以其骨肉舊臣惡其內潰故隱其誅師古曰王涉骨

按莽傳涉曲陽侯根子也惡烏路翻莽以軍師外破大臣內畔左右亡所

信古亡無不能復遠念郡國乃召王邑還為大司馬

以大長秋張邯為大司徒崔發為大司空司中壽容

苗訢為國師邯下甘翻莽憂滿不能食懣音悶但飲酒

啗鰾魚師古曰此鰾海魚也音電郭璞注三蒼曰鰾似蛤偏著石

資治通鑑 二十九 漢紀 淮陽王 六 中華書局聚

曰石決明 一名鯁魚 讀軍書倦因馮几寐師古曰馮不復就枕矣

成紀隗崔隗義成紀隗屬天水郡賢曰故城在今秦州隗城縣西北隗姓出於赤狄上邽楊廣

冀人周宗上邽縣屬隴西郡賢曰故邽戎邑今秦州隗城縣屬天水郡秦武公伐冀戎因縣之宋白曰秦州治隴城縣即

故冀城 同起兵以應漢攻平襄殺莽鎮戎大尹李育賢曰平襄

縣名屬天水郡故城在今秦州伏羌縣西北王莽改天水郡曰鎮戎 崔兄子囂素有名好經書

到好呼崔等共推為上將軍崔為白虎將軍義為左將

軍崔本自署右將軍白虎居右又起兵於西囂遣使聘平陵方

望以為軍師賢曰平陵昭帝陵因為縣故城在今咸陽縣西北武王伐紂以太公為師尚父田單守即墨以一卒為

神師韓信既破趙師事李左車皆軍師也後遂以為官稱 望說囂立高廟於邑東平襄邑

說翻 己巳祠高祖太宗世宗囂等皆稱臣執事殺馬

同盟以興輔劉宗移檄郡國數莽罪惡數所勒兵十

萬擊殺雍州牧陳慶安定大尹王向莽改漢涼州曰雍州向平阿侯王譚之子

也考異曰王莽傳作卒正王分遣諸將徇隴西武都金城

武威張掖酒泉燉煌燉徒門翻皆下之 初茂陵公孫述

為清水長賢曰清水縣名屬天水郡今秦州縣有能名遷導江卒正治臨

邛賢曰王莽改蜀郡曰導江臨邛今邛州縣班志臨邛縣屬蜀郡邛音渠容翻漢兵起南陽宗成

商人王岑起兵徇漢中以應漢宗成南陽人也地理志商縣屬弘農郡賢曰今商州

商維縣也殺王莽庸部牧宋遵眾合數萬人述遣使迎成

等成等至成都地理志成都縣屬蜀郡虜掠暴橫橫戶孟翻述召郡中

豪桀謂曰天下同苦新室思劉氏久矣故聞漢將軍

到馳迎道路今百姓無辜而婦子係獲此寇賊非義

兵也乃使人詐稱漢使者假述輔漢將軍蜀郡太守

兼益州牧印綬選精兵西擊成等殺之按臨邛在成都西南述兵自臨

邛迎擊宗成等非西向也此承范史之誤并其眾 前鍾武侯劉望起兵汝南

按王子侯表鍾武侯度長沙定王之孫成帝元延二年侯則紹封其後不見或者望其則之子歟鍾武在義陽郡界水經註師水過義

陽郡城東逕鍾武故城南考異曰 嚴尤陳茂往歸之八月

王莽傳作劉聖今從范書劉玄傳

望即皇帝位以尤為大司馬茂為丞相 王莽使太

師王匡國將哀章守洛陽將即亮翻 考異曰袁紀作襄章今從范書 更始遣

定國上公王匡攻洛陽西屏大將軍申屠建丞相司

直李松攻武關李松通之從弟屏必鄧翻 三輔震動析人鄧曄于匡

起兵南鄉以應漢師古曰析南陽之縣南鄉析縣之鄉名也宋白曰鄧州內鄉縣古之析邑析音先歷翻

攻武關都尉朱萌萌降降戶江翻 進攻右隊大夫宋綱殺

之莽改弘農郡曰右隊 西拔湖師古曰湖弘農之縣也本屬京北 莽愈憂不知所出崔

發言古者國有大災則哭以厭之師古曰周禮春官之屬女巫之職曰凡邦之大

災歌哭以請哭者所以告哀也春秋左氏傳宣十二年楚子圍鄭旬有七日鄭人大臨守陴者皆哭故發引之以為言也厭音一葉翻

宜告天以求救莽乃率羣臣至南郊陳其符命本末

仰天大哭氣盡伏而叩頭諸生小民旦夕會哭為設

殮粥為于偽翻師古曰殮音千安翻 甚悲哀者除以為郎郎至五千餘

人莽拜將軍九人皆以虎為號將北軍精兵數萬人

以東內其妻子宮中以爲質質音致時省中黃金尙六

十餘萬斤他財物稱是稱尺證翻莽愈愛之賜九虎士人

四千錢衆重怨無鬪意師古曰重音直用翻九虎至華陰回谿賢曰

回谿今俗所謂回阮在洛州永寧縣東北其谿長四里闊一丈深二丈五尺華戶化翻距隘自守于匡鄧

曄擊之六虎敗走二虎詣闕歸死莽使使責死者安

在皆自殺其四虎亡二虎自殺者史熊王况也四虎亡者史逸其名三虎收散卒

保渭口京師倉三虎郭欽陳翬成重也師古曰京師倉在華陰灌北渭口也鄧曄開武關

迎漢兵李松將三千餘人至湖與曄等共攻京師倉

未下曄以弘農掾王憲爲校尉掾俞絹翻將數百人北度

渭入左馮翊界李松遣偏將軍韓臣等徑西至新豐

擊莽波水將軍據竇融傳莽拜融爲波水將軍前書音義曰波水在長安南追犇至長門

宮王憲北至頻陽所過迎降師古曰所過之處人皆來迎而降附也諸縣大

姓各起兵稱漢將軍率衆隨憲李松鄧曄引軍至華

陰而長安旁兵四會城下又聞天水隗氏方到皆爭欲入城貪立大功鹵掠之利言入城誅莽既立大功又得鹵掠貪二者之利也莽

赦城中囚徒皆授兵殺豨飲其血與誓曰有不為新

室者社鬼記之稀許豈翻又音希為于偽翻使更始將軍史謚將之

謹氏度渭橋皆散走謚空還衆兵發掘莽妻子父祖

冢燒其棺槨及九廟明堂辟雍火照城中九月戊申

朔兵從宣平城門入師古曰長安城東出北頭第一門張邨逢兵見殺

王邑王林王巡夔暉等分將兵距擊北闕下夔師古曰音帶又音

徒蓋翻夔姓暉名暉於粉翻會日暮官府邸第盡奔亡己西城中少

年朱弟張魚等恐見鹵掠趨謹並和師古曰衆羣行謹而自相和也謹許元翻

和音乎燒作室門程大昌曰作室者未央宮西北織室暴室之類黃圖謂為尚方工作之所者也作室門則工徒

出入之門蓋未央宮之便門也斧敬法闔師古曰敬法殿名也闔小門也謂斧斫之也呼曰反虜

王莽何不出降師古曰呼音火故翻火及掖庭承明黃皇室主所

居黃皇室主曰何面目以見漢家自投火中而死莽

避火宣室前殿火輒隨之莽紺袴服師古曰紺深青而揚赤色也袴純也純為

紺服也袴音均又音弋旬翻持虞帝七首虞帝安得有七首蓋莽自為之以愚夫人天文郎按

式於前師古曰式所以占時曰天文郎今之用式者也莽旋席隨斗柄而坐曰天

生德於予漢兵其如予何莽引孔子之言以自况庚戌且明羣臣

扶掖莽自前殿之漸臺此未央宮之漸臺也水經未央漸臺在滄池中建章漸臺在太液池中程大昌曰漸者漬也言臺在水中受其漸漬也凡臺之環浸於水者皆可名為漸臺漸子廉翻公卿從官尚干

餘人隨之從才用翻王邑晝夜戰罷極師古曰罷讀曰疲士死傷略

盡馳入宮間關至漸臺師古曰間關猶言崎嶇展轉也見其子侍中睦

解衣冠欲逃邑叱之令還父子共守莽軍人入殿中

聞莽在漸臺衆共圍之數百重重直龍翻臺上猶與相射

射而亦翻矢盡短兵接王邑父子鬪惓王巡戰死莽入室

下鋪時衆兵上臺哺後謂之下哺按前書天文志旦至食時食時至日跌日跌至哺哺至下哺下哺至日入

苗訢唐尊王盛等皆死訢音欣商人杜吳殺莽校尉東

海公賓就斬莽首師古曰公賓姓就名也風俗通曰魯大夫公賓庚之後王莽五十一居攝五十四即真六

十八軍人分莽身節解鬻分爭相殺者數十人公賓

就持莽首詣王憲憲自稱漢大將軍城中兵數十萬

皆屬焉舍東宮師古曰舍止宿也妻莽後宮乘其車服癸丑李

松鄧曄入長安將軍趙萌申屠建亦至以王憲得璽

綬不上璽斯氏翻綬音受上時掌翻多挾宮女建天子鼓旗收斬之

傳莽首詣宛縣於市百姓共提擊之縣讀曰懸提音徒計翻或切

食其舌班固贊曰王莽始起外戚折節力行以要

名譽折而設翻要一遙翻及居位輔政勤勞國家直道而行豈所

謂色取仁而行違者邪師古曰論語載孔子答子張之言也

孟翻行下莽既不仁而有佞邪之材又乘四父歷世之權

四父謂王鳳王音王商王根相繼秉政皆莽諸父也遭漢中微國統三絕成哀平皆絕而太

后壽考爲之宗主故得肆其姦慝以成篡盜之禍推

是言之亦天時非人力之致矣及其竊位南面顛覆

之執險於桀紂而莽晏然自以黃虞復出也黃帝虞舜莽祖之復

扶又乃始恣睢奮其威詐師古曰睢音呼季翻毒流諸夏亂延蠻

貉猶未足以逞其欲焉是以四海之內囂然喪其樂

生之心師古曰囂然衆口愁貌也音五高翻喪息浪翻中外憤怨遠近俱發城池

不守支體分裂遂令天下城邑爲虛虛讀墟害徧生民

自書傳所載亂臣賊子考其禍敗未有如莽之甚者

也昔秦燔詩書以立私議莽誦六藝以文姦言師古曰以

六經之事文飾姦言同歸殊塗俱用滅亡皆聖王之驅除云爾蘇林

曰聖王光武也爲光武驅除也師古曰言驅逐蠲除以待聖人也定國上公王匡拔洛陽

生縛莽太師王匡哀章皆斬之冬十月奮威大將軍

劉信擊殺劉望於汝南信大司徒賜兄顯之子并誅嚴尤陳茂郡

縣皆降

降戶江翻

更始將都洛陽以劉秀行司隸校尉

使前整脩宮府

司隸校尉察二輔三河弘農故使整脩宮府

秀乃置僚屬作文

移

東觀記曰文書移與屬縣也

從事司察一如舊章

續漢書司隸置從事史七十二人秩皆百石

主督促文書察舉非法

時三輔吏士東迎更始見諸將過皆冠幘

而服婦人衣

漢官儀曰幘者古之卑賤不冠者之所服也方言曰覆髻謂之幘或謂之承露劉昭志曰秦雄諸侯乃加

武將首飾為絳袖以表貴賤其後稍作顏題漢興續其顏却摻之施中連題却覆之名之曰幘幘者蹟也頭首嚴蹟也至孝文乃高顏題

崇其中為屋合後施收上下羣臣貴賤皆服之文者長耳武者短耳莫不笑之及見司隸僚屬

皆歡喜不自勝

勝音升

老吏或垂涕曰不圖今日復見

漢官威儀

復扶又翻下同

由是識者皆屬心焉

皆屬音之欲翻

更始北

都洛陽分遣使者徇郡國曰先降者復爵位

降戶江翻下同

使者至上谷

漢上谷郡治沮陽

上谷太守扶風耿況迎上印綬

上時

使者納之一宿無還意功曹寇恂勒兵入見使

者請之

姓譜蘇忿生為周武王司寇其後以官為寇氏百官志郡功曹主選舉功勞在諸曹之上

使者不與

曰天王使者功曹欲脅之邪恂曰非敢脅使君竊傷

計之不詳也今天下初定使君建節銜命郡國莫不

延頸傾耳今始至上谷而先墮大信賢曰墮毀也讀曰墮將復何

以號令他郡乎使者不應恂叱左右以使者命召況

況至恂進取印綬帶況使者不得已乃承制詔之況

受而歸宛人彭寵吳漢亡命在漁陽鄉人韓鴻為更

始使徇北州承制拜寵偏將軍行漁陽太守事為彭寵據

漁陽張本以漢為安樂令賢曰安樂縣名屬漁陽郡故城在今幽州潞縣西北樂音洛更始遣

使降赤眉遣使者招諭之使降而釋兵也後以意推降戶江翻樊崇等聞漢室復興

即留其兵將渠帥二十餘人隨使者至洛陽帥所類翻更

始皆封為列侯崇等既未有國邑而留眾稍有離叛

者乃復亡歸其營崇等時營在濮陽為赤眉攻更始張本王莽廬江連率

潁川李憲據郡自守稱淮南王率所類翻故梁王立之

子永詣洛陽

立死見三十六卷平帝元始四年

更始封為梁王都睢陽永為

據梁連羣盜張本睢音雖

更始欲令親近大將徇河北大司徒賜

言諸家子獨有文叔可用

諸家子謂南陽諸宗子也光武諱秀字文叔

朱鮪等

以為不可更始狐疑賜深勸之更始乃以劉秀行大

司馬事持節北度河鎮慰州郡

為光武自河北定天下張本

以大

司徒賜為丞相令先入關脩宗廟宮室

將都長安也

大司

馬秀至河北所過郡縣考察官吏黜陟能否平遣囚

徒除王莽苛政

賢曰說文苛小草也言政令繁細

復漢官名吏民喜悅

爭持牛酒迎勞

勞力到翻

秀皆不受南陽鄧禹杖策追秀

及於鄴秀曰我得專封拜生遠來寧欲仕乎禹曰不

願也秀曰即如是何欲為禹曰但願明公威德加於

四海禹得効其尺寸垂功名於竹帛耳

漢初未有紙以竹簡及縑素書

故言竹帛秀笑因留宿間語

賢曰間私也禹進說曰

說輸芮翻下同

今山東

未安赤眉青犢之屬動以萬數更始既是常才而不

自聽斷

斷丁亂翻

諸將皆庸人屈起

賢曰屈音求勿翻

志在財幣爭

用威力朝夕自快而已非有忠良明智深慮遠圖欲

尊主安民者也歷觀往古聖人之興二科而已天時

與人事也今以天時觀之更始既立而災變方興以

人事觀之帝王大業非凡夫所任

任音

分崩離析形

勢可見明公雖建藩輔之功猶恐無所成立也況明

公素有盛德大功為天下所嚮服軍政齊肅賞罰明

信為今之計莫如延攬英雄務悅民心立高祖之業

救萬民之命以公而慮天下不足定也

鄧禹為中興元功實本諸此

秀大悅因令禹宿止於中與定計議每任使諸將多

訪於禹皆當其才秀自兄續之死每獨居輒不御酒

肉

御進也

枕席有涕泣處主簿馮異獨叩頭寬譬

馮異自父城歸

光武為司隸主簿及度河為大司馬主簿寬釋也譬曉也譬曉以寬釋其哀戚之情秀止之曰卿勿妄言

異因進說曰更始政亂百姓無所依戴夫人久饑渴

易為充飽孟子曰饑者易為食渴者易為飲賢曰猶言凋殘之後易流德澤易以歧翻今公專命

方面宜分遣官屬徇行郡縣孟行下宣布惠澤秀納之

騎都尉宋子耿純謁秀於邯鄲先是李軾承制拜耿純為騎都尉賢曰宋子縣屬鉅

鹿郡故城在今趙州平棘縣北三十里邯鄲縣屬趙國今洛州縣退見官屬將兵法度不與

他將同遂自結納故趙繆王子林賢曰繆王景帝七代孫名元前書曰坐殺

人為大鴻臚所奏謚曰繆音謬說秀決列人河水以灌赤眉續漢書林言於秀曰赤眉可破

秀問其故對曰赤眉今在河東河水從列人北流如決河水灌之秀

不從去之真定賢曰真定縣名屬真定國今恒州縣也林素任俠於趙魏間

王莽時長安中有自稱成帝子子輿者莽殺之如唐曰相

與信為任同是非為俠所謂權行州里力折公侯者也或曰俠之為言挾也以權力夾輔人者也子輿事見三十七卷王莽始建國二年

邯鄲卜者王郎緣是詐稱真子輿云母故成帝謳者

嘗見黃氣從上下遂任身任音壬趙后欲害之僞易他

人子以故得全林等信之與趙國大豪李育張參等

謀共立郎會民間傳赤眉將度河林等因此宣言赤

眉當立劉子輿以觀衆心百姓多信之十二月林等

率車騎數百晨入邯鄲城止於王宮賢曰故趙王之宮也邯鄲音寒丹

立郎為天子分遣將帥徇下幽冀移檄州郡趙國以

北遼東以西皆望風響應

二年春正月大司馬秀以王郎新盛乃北徇薊賢曰薊縣

名屬涿郡今幽州縣也薊音計申屠建李松自長安迎更始遷都二

月更始發洛陽初三輔豪桀假號誅莽者謂假漢將軍號也人

人皆望封侯申屠建既斬王憲又揚言三輔兒大黠

黠下八翻桀黠也共殺其主吏民惶恐屬縣屯聚建等不能下

更始至長安乃下詔大赦非王莽子他皆除其罪於

是三輔悉平時長安唯未央宮被焚其餘宮室供帳

倉庫官府皆案堵如故市里不改於舊更始居長樂

宮樂音洛升前殿郎吏以次列庭中更始羞作俛首刮

席不敢視賢曰作顏色變也俛俯也刮爬也作才各翻俛音免諸將後至者更始問

虜掠得幾何左右侍官皆宮省久吏驚愕相視給事天子

左右者謂之侍官李松與棘陽趙萌說更始宜悉王諸功臣說

芮翻王于沉翻朱鮪爭之以為高祖約非劉氏不王鮪于軌翻更始

乃先封諸宗室社為定陶王班志定陶縣屬濟陰郡宋白曰定陶故城在曹州東北三十七

里慶為燕王燕於賢翻歙為元氏王元氏縣屬常山郡闕翻曰趙公子元之封邑故曰元氏

嘉為漢中王社春陵康侯歙之子太宗也慶歙之弟嘉歙之弟子歙更始之叔父歙許及翻賜為宛

王宛縣屬南陽郡宋白曰鄧州南陽縣漢之宛縣信為汝陰王班志汝陰縣屬汝南郡故胡國唐潁州治所

然後立王匡為泚陽王泚陽後漢書作比陽比陽縣屬南陽郡唐屬唐州王鳳為

宣城王班志宣城縣屬南郡故鄢宋為大堤之地立華山郡後魏改宣城郡唐為縣屬襄州朱鮪為膠東

王膠東漢王國都卽墨賢曰故城在今萊州膠水縣東南王常為鄧王鄧縣屬南陽郡故鄧國唐為鄧城縣

屬襄州申屠建為平氏王班志平氏縣屬南陽郡有桐柏山唐為桐柏縣屬唐州陳牧為

陰平王賢曰陰平縣屬廣漢郡宋白曰唐文州曲水縣漢陰平道也衛尉大將軍張印為

淮陽王淮陽本陳國漢為淮陽國賢曰淮陽故城在今陳州宛上縣東南執金吾大將軍廖

湛為穰王穰縣屬南陽郡師古曰今鄧州穰縣是也尚書胡殷為隨王隨縣屬南陽郡古隨

隨州國唐為柱天大將軍李通為西平王賢曰西平縣屬汝南郡故城在今豫州鄆城縣

南五威中郎將李軼為舞陰王舞陰縣屬南陽郡宋白曰唐州泌陽縣本漢舞陰縣地舞

陽故城在華縣東十里水衡大將軍成丹為襄邑王襄邑縣屬陳留郡國稱曰襄邑宋地

本承匡襄陵鄉也宋襄公所葬故曰襄陵秦始皇以承匡卑濕徙縣於襄陵故曰襄邑縣西十里有承匡故城賢曰今襄邑縣在宋州西

驃騎大將軍宗佻為潁陰王佻他彫翻又田聊翻班志潁陰縣屬潁川郡尹

尊為鄆王班志鄆縣屬潁川郡宋白曰七國時魏之下邑今許州鄆城縣是也括地志豫州褒信縣本漢鄆縣地師古曰

鄆一戰翻唯朱鮪辭不受乃以鮪為左大司馬宛王賜為

前大司馬使與李軼等鎮撫關東又使李通鎮荊州

王常行南陽太守事以李松為丞相趙萌為右大司

馬共秉內任內任謂朝廷之內更始納趙萌女為夫人故委政

於萌日夜飲讌後庭羣臣欲言事輒醉不能見時不

得已乃令侍中坐帷中與語韓夫人尤嗜酒每侍飲

見常侍奏事中常侍受外朝臣奏事而奏之天子輒怒曰帝方對我飲正用

此時持事來邪起抵破書案賢曰抵擊也趙萌專權生殺自

恣郎吏有說萌放縱者更始怒拔劍斬之自是無敢

復言復扶又翻以至羣小膳夫皆濫授官爵長安為之語

曰竈下養中郎將公羊傳曰炊烹為養音弋亮翻爛羊胃騎都尉爛羊

頭關內侯言以烹煑熟爛為功也軍師將軍李淑上書諫曰陛下

定業雖因下江平林之執斯蓋臨時濟用不可施之

既安唯名與器聖人所重孔子曰唯名與器不可以假人今加非其人

望其裨益萬分猶緣木求魚升山采珠賢曰言求之非所不可得也

海內望此有以窺度漢祚度徒洛翻更始怒囚之諸將在

外者皆專行誅賞各置牧守州郡交錯不知所從由

是關中離心四海怨叛更始徵隗囂及其叔父崔

義等囂將行方望以更始成敗未可知固止之囂不

聽望以書辭謝而去囂等至長安更始以囂為右將

軍崔義皆即舊號就其舊號以授之隗囂違方望之言而從更始違馬援之言而叛光武始則幾至殺身後

則終於滅族擇木之難也耿況遣其子弇奉奏詣長安弇時年二十

一弇古舍翻行至宋子會王郎起弇從吏孫倉衛包曰劉

子輿成帝正統捨此不歸遠行安之弇按劍曰子輿

弊賊卒為降虜耳從才用翻卒終也音子恤翻我至長安與國家陳

上谷漁陽兵馬歸發突騎賢曰突騎言能衝突軍陳以麟烏合之眾

如摧枯折腐耳賢曰麟麟也音力刃翻觀公等不識去就族滅不

久也倉包遂亡降王郎弇聞大司馬秀在盧奴賢曰盧奴

縣名屬中山國故城在今定州安喜縣水經注曰乃馳北上謁上

掌翻下秀留署長史與俱北至薊薊故燕都昭帝改燕王為廣陽國亦治薊

郎移檄購秀十萬戶秀令功曹令史潁川王霸至市

中募人擊王郎漢舊注公府令史秩百石市人皆大笑舉

手邪揄之霸慚懷而反賢曰說文曰厥獻手相笑也厥音弋

重不同懷亦秀將南歸耿弇曰今兵從南方來不可南

行漁陽太守彭寵公之邑人彭寵南上谷太守即弇

父也發此兩郡控弦萬騎邯鄲不足慮也秀官屬腹

心皆不肯曰死尚南首奈何北行入囊中賢曰漁陽上

至彼路窮如入囊中也首音式救翻秀指弇曰是我北道主人也會故廣

陽王子接起兵薊中以應郎賢曰廣陽王名城內擾亂

言邯鄲使者方到二千石以下皆出迎於是秀趣駕

而出賢曰趣急也音促至南城門門已閉攻之得出遂晨夜南

馳不敢入城邑舍食道傍至蕪萋亭賢曰蕪萋亭名在今

翻時天寒烈馮異上豆粥至饒陽賢曰饒陽縣名屬安平

今瀛州饒陽縣東北官屬皆乏食秀乃自稱邯鄲使者入傳舍賢曰

傳舍客館也傳音知戀翻下同傳吏方進食從者飢爭奪之從才用翻傳吏疑

其偽乃椎鼓數十通給言邯鄲將軍至賢曰椎直追翻給言欺誑也音

殆官屬皆失色秀升車欲馳既而懼不免徐還坐曰

請邯鄲將軍入久乃駕去晨夜兼行蒙犯霜雪面皆

破裂至下曲陽賢曰下曲陽縣名屬鉅鹿郡常山郡有上曲陽故此言下劉昭曰下曲陽有鼓聚故翟鼓子國

宋曰曰鎮州鼓城縣漢下曲陽縣地傳聞王郎兵在後從者皆恐從才用翻至滹

沱河賢曰山海經云大戲之山滹沱之水出焉在今代州繁時縣東流經定州深澤縣東南即光武所度處今俗猶謂之危渡口臣

賢按滹沱河舊在饒陽南至魏太祖曹操因饒河故瀆決令北注新溝水所以今在饒陽縣北候吏還白河水

流澌賢曰澌音斯冰澌也無船不可濟秀使王霸往視之霸恐驚

衆欲目前阻水還即詭曰冰堅可度官屬皆喜秀笑

曰候吏果妄語也遂前比至河比必寐及也河冰亦合乃

令王霸護度賢曰監護度也未畢數騎而冰解至南宮賢曰南宮縣名

屬信都國今冀州縣也遇大風雨秀引車入道傍空舍馮異抱薪

鄧禹爇火賢曰爇音而悅翻秀對竈燎衣賢曰燎炙也馮異復進麥

飯復扶又翻進至下博城西賢曰下博縣屬信都國在博水之下故曰下博故城在今冀州下博縣南惶

惑不知所之有白衣老父在道旁賢曰蓋神人也今下博縣西有祠堂指

曰努力信都郡為長安城守賢曰信都郡今冀州為于偽翻去此八十

里秀即馳赴之是時郡國皆已降王郎獨信都太守

南陽任光和戎太守信都邳彤不肯從東觀記曰王莽分信都為和戎

居下曲陽邳彤傳作和成成字為是風俗通奚仲為夏車正封於邳其後以為氏彤余中翻光自以孤城獨

守恐不能全賢曰獨守無援故恐聞秀至大喜吏民皆稱萬歲邳

彤亦自和戎來會議者多言可因信都兵自送西還

長安邳彤曰吏民歌吟思漢久矣故更始舉尊號而

天下響應三輔清宮除道以迎之今卜者王郎假名

因執驅集烏合之衆遂振燕趙之地振舉也無有根本

之固明公奮二郡之兵以討之二郡信都何患不克今

釋此而歸豈徒空失河北必更驚動三輔墮損威重

隋讀曰隳非計之得者也若明公無復征伐之意復扶又翻則雖

信都之兵猶難會也何者明公既西則邯鄲執成民

不肯捐父母背成主而千里送公謂光武西歸則王郎之位號定故曰成主背蒲

妹翻考異曰范書邳彤傳邯鄲成民不肯背成主字皆作城袁紀

作邯鄲和城民不肯捐和城而千里送公漢春秋作邯鄲之民不能

捐父母背成主按文意城皆當作成邯鄲成謂邯鄲勢成也成主謂王郎爲已成之主也其離散亡逃可必

也秀乃止秀以二郡兵弱欲入城頭子路力子都軍

中爰會起兵盧城頭會字子路故號城頭子路考異曰范書作力子都同編修劉歆曰力當作刁音彫任光以爲

不可乃發傍縣得精兵四千人拜任光爲左大將軍

信都都尉李忠爲右大將軍邳彤爲後大將軍和戎

太守如故信都令萬脩為偏將軍萬姓也孟子弟子有萬章皆封列

侯留南陽宗廣領信都太守事使任光李忠萬脩將

兵以從從才用翻下使從同邳彤將兵居前任光乃多作檄文曰

大司馬劉公將城頭子路力子都兵百萬眾從東方

來擊諸反虜遣騎馳至鉅鹿界中吏民得檄傳相告

語傳知戀翻語牛倨翻秀投暮入堂陽界賢曰堂陽縣屬鉅鹿郡在堂水之陽故城在今冀州鹿城縣南

多張騎火彌滿澤中堂陽即降又擊貫縣降之賢曰貫縣

屬鉅鹿郡音時夜翻師古音式制翻城頭子路者東平爰曾也寇掠河濟

間有眾二十餘萬濟子禮翻力子都有眾六七萬故秀欲

依之昌城人劉植聚兵數千人據昌城迎秀賢曰昌城縣屬信都

郡故城在今冀州西北杜佑曰故城在冀州信都縣北水經註引應劭曰在堂陽縣北二十里秀以植為驍騎

將軍耿純率宗族賓客二千餘人老病者皆載木自

隨賢曰左傳曰又如而是而嫁將就木焉木謂棺也老病者恐死故載以從軍迎秀於育賢曰育縣名故城在冀州余考

兩漢志無育縣蓋貫字之誤

拜純為前將軍進攻下曲陽降之眾稍

合至數萬人復北擊中山

賢曰中山國一名中入亭故城在今定州唐縣東北張曜中山

記曰城中有山故曰中山也復扶又翻

耿純恐宗家懷異心乃使從弟訢宿

歸燒廬舍以絕其反顧之望秀進拔盧奴

杜佑曰定州安喜縣漢盧

也所過發犇命兵移檄邊郡共擊邯鄲郡縣還復響

應

復扶又翻下同

時真定王楊起兵附王郎眾十餘萬秀遣劉

植說楊楊乃降

楊常山憲王舜六世孫舜景帝子也說輸芮翻

秀因留真定納楊

甥郭氏為夫人以結之進擊元氏防子皆下之

賢曰元氏

防子屬常山郡並今趙州縣也防與房古字通用

至鄙擊斬王郎將李暉

鄙縣屬常山郡賢曰

今趙州高邑縣也音呼各翻暉於粉翻

至柏人復破郎將李育

賢曰柏人縣名屬趙國今邢州

縣故城在縣之西北

育還保城攻之不下

南鄭人延岑起兵據

漢中

延姓岑名

漢中王嘉擊降之有眾數十萬校尉南陽

賈復見更始政亂乃說嘉曰

說輸芮翻

今天下未定而大

王安守所保所保得無不可保乎所保謂漢中也嘉曰卿言

大非吾任也大司馬在河北必能相用乃為書薦復

及長史南陽陳俊於劉秀復等見秀於柏人秀以復

為破虜將軍俊為安集掾劉玄傳玄初從陳牧等為其軍安集掾賢曰欲以安集軍眾故權以

為官名余謂光武用俊之意不特安集軍眾蓋為民也掾俞絹翻秀舍中兒犯灋軍市令頴

川祭遵格殺之從軍者非一處人故於軍中立市使相貿易置令以治之姓譜周公第五子祭伯其後以為氏

賢曰祭音側介翻秀怒命收遵主簿陳副諫曰明公常欲眾軍

整齊今遵奉灋不避是教令所行也乃貰之賢曰貰猶赦也

以為刺姦將軍王莽置左右刺姦使督姦猾光武因以為將軍號謂諸將曰當備

祭遵吾舍中兒犯灋尚殺之必不私諸卿也初王

莽既殺鮑宣事見二十六卷平帝元始二年上黨都尉路平欲殺其子

永太守苟諫保護之永由是得全更始徵永為尚書

僕射行大將軍事將兵安集河東并州河東郡本屬司隸令永安集河

東及并州所部諸郡得自置偏裨永至河東擊青犢大破之以馮

衍為立漢將軍屯太原與上黨太守田邑等繕甲養

士以扞衛并土或說大司馬秀以守柏人不如定

鉅鹿說輸茂翻下同秀乃引兵東北拔廣阿賢曰廣阿縣名屬鉅鹿郡故城在今趙州象城

縣西北杜佑曰趙州昭慶縣漢廣阿縣秀披輿地圖武帝時羣臣請王皇子御史奏

地有覆載之德故謂天為蓋謂地為輿故地圖稱輿地圖疑自古有此名非始漢也指示鄧禹曰天下郡

國如是今始乃得其一子前言以吾慮天下不足定

何也禹曰方今海內殺亂人思明君猶赤子之慕慈

母古之興者在德薄厚不以大小也薊中之亂耿

弇與劉秀相失北走昌平賢曰昌平縣屬上谷郡今幽州縣故城在縣東就其父

況因說況擊邯鄲說輸茂翻下同時王郎遣將徇漁陽上谷

急發其兵北州疑惑多欲從之上谷功曹寇恂門下

掾閔業閔姓也魯有大夫閔馬父孔子弟子有閔子騫說況曰邯鄲拔起賢曰拔難

可信向大司馬劉伯升母弟尊賢下士可以歸之下

翻況曰邯鄲方盛力不能獨拒如何對曰今上谷完

實控弦萬騎可以詳擇去就恂請東約漁陽齊心合

衆邯鄲不足圖也況然之遣恂東約彭寵欲各發突

騎二千匹步兵千人詣大司馬秀安樂令吳漢護軍

蓋延狐奴令王梁亦勸寵從秀樂音洛蓋古盍翻寵以為

然而官屬皆欲附王郎寵不能奪漢出止外亭外亭城門

外之亭也遇一儒生召而食之食讀日飲問以所聞生言大司馬

劉公所過為郡縣所稱邯鄲舉尊號者實非劉氏漢

大喜即詐為秀書移檄漁陽使生齎以詣寵令具以

所聞說之說輸芮翻會寇恂至寵乃發步騎三千人以吳

漢行長史與蓋延王梁將之南攻薊殺王郎大將趙

閔寇恂還遂與上谷長史景丹及耿弇將兵俱南與

漁陽軍合所過擊斬王郎大將九卿校尉以下凡斬

首三萬級定涿郡中山鉅鹿清河河間凡二十二縣

前及廣阿聞城中車騎甚衆丹等勒兵問曰此何兵

曰大司馬劉公也諸將喜即進至城下城下初傳言

二郡兵爲邯鄲來爲于僞衆皆恐劉秀自登西城樓

勒兵問之耿弇拜於城下即召入具言發兵狀秀乃

悉召景丹等入笑曰邯鄲將帥數言我發漁陽上谷

兵數所角吾聊應言我亦發之賢曰王郎將帥數云欲發二

云然猶今兩軍相戲弄也何意二郡良爲吾來郡兵以拒光武光武聊亦應

今從景丹傳方與士大夫共此功名耳乃以景丹寇

恂耿弇蓋延吳漢王梁皆爲偏將軍使還領其兵加

耿況彭寵大將軍封況寵丹延皆爲列侯吳漢爲人

質厚少文造次不能以辭自達少詩沼翻朱子曰造次急

然沈厚有智略沈持林翻鄧禹數薦之於秀秀漸親重之

更始遣尚書令謝躬率六將軍討王郎不能下秀至

與之合軍東圍鉅鹿月餘未下王郎遣將攻信都大

姓馬寵等開門內之更始遣兵攻破信都秀使李忠

還行太守事王郎遣將倪宏劉奉率數萬人救鉅鹿

秀逆戰於南繚不利賢曰南繚縣名屬鉅鹿郡故城在今邢州柏人縣東北左傳齊國夏伐晉取欒即其地也其後南徙故加南今謂之倫城聲之轉也杜佑曰唐鉅鹿漢南繚地漢鉅鹿縣今平鄉也繚音力全翻景丹等縱

突騎擊之宏等大敗秀曰吾聞突騎天下精兵今見

其戰樂可言邪樂音洛耿純言於秀曰久守鉅鹿士衆

疲弊不如及大兵精銳進攻邯鄲若王郎已誅鉅鹿

不戰自服矣秀從之夏四月留將軍鄧滿守鉅鹿進

軍邯鄲連戰破之郎乃使其諫大夫杜威請降威雅

稱郎實成帝遺體秀曰設使成帝復生復扶又翻天下不

稱郎實成帝遺體秀曰設使成帝復生復扶又翻天下不

可得況詐子輿者乎威請求萬戶侯秀曰顧得全身

可矣威怒而去秀急攻之二十餘日五月甲辰郎少

傅李立開門內漢兵遂拔邯鄲郎夜亡走王霸追斬

之秀收郎文書得吏民與郎交關謗毀者數千章關通

也秀不省省悉會諸將軍燒之曰令反側子自安賢曰反側

不安詩曰展轉反側秀部分吏卒各隸諸軍絕句士皆言願屬大樹

將軍大樹將軍者偏將軍馮異也為人謙退不伐敕

吏士非交戰受敵常行諸營之後每所止舍諸將並

坐論功異常獨屏樹下屏必鄧翻蔽也坐樹下以自蔽也故軍中號曰大

樹將軍護軍宛人朱祐言於秀曰長安政亂公有日

角之相此天命也考異曰蒯書袁紀朱祐皆作祐按東觀記祐皆作福避安帝諱許慎說文祐字無解云

上諱然則祐名當作示旁古古今之古不當作左右之右也相息亮翻秀曰召刺茲收護軍祐事伯升

為大司徒護軍光武為大司馬復以為護軍百官表護軍都尉秦官平帝元始元年更名護軍祐乃不敢復言

復扶又

更始遣使立秀為蕭王

賢曰蕭縣屬沛郡今徐州縣也

悉令罷兵

與諸將有功者詣行在所

蔡邕獨斷曰天子以四海為家故謂所居為行在所

遣苗

曾為幽州牧韋順為上谷太守蔡充為漁陽太守並

北之部蕭王居邯鄲宮晝臥温明殿

賢曰趙王如意之殿也故基在今洛州邯

鄲縣內水經注温明殿在叢臺西

耿弇入造牀下請問

造七到翻

因說曰吏士

死傷者多請歸上谷益兵蕭王曰王郎已破河北略

平復用兵何為

復扶又翻

弇曰王郎雖破天兵革下乃始

耳今使者從西方來欲罷兵不可聽也銅馬赤眉之

屬數十輩輩數十百萬人所向無前聖公不能辦也

賢曰辦猶成也音蒲覓翻余據史記項梁曰使公主某事不能辦即此意今人謂了事為辦事

敗必不久蕭王

起坐曰卿失言我斬卿弇曰大王哀厚弇如父子故

敢披赤心蕭王曰我戲卿耳何以言之弇曰百姓患

苦王莽復思劉氏聞漢兵起莫不歡喜如去虎口得

歸慈母今更始為天子而諸將擅命於山東貴戚縱

橫於都內橫戶孟翻都內謂長安虜掠自恣元元叩心更思莽朝

朝直遙翻是以知其必敗也公功名已著以義征伐天下

可傳檄而定也天下至重公可自取毋令他姓得之

蕭王乃辭以河北未平不就徵始貳於更始賢曰貳是離異也

時諸賊銅馬大彤高湖重連鐵脛大槍尤來上江青

犢五校五幡五樓富平獲索等各領部曲眾合數百

萬人賢曰諸賊或以山川土地為名或以軍容強盛為號銅馬賊帥東山荒秃上淮況等大彤渠帥樊重尤來渠帥樊崇五校賊帥

高扈檀鄉賊帥董次仲五樓賊帥張文富平賊帥徐少獲索賊帥古師郎等並見東觀記脛形定翻富平縣名屬平原郡今棗州厭次縣

所在寇掠蕭王欲擊之乃拜吳漢耿弇俱為大將軍

持節北發幽州十郡突騎幽州十郡涿郡廣陽代郡上谷漁陽遼西遼東玄菟樂浪郡是也

苗曾聞之陰敕諸郡不得應調賢曰調發也吳漢將二

十騎先馳至無終賢曰無終本山戎國也無終山名因以為國號漢為縣名屬右北平故城在今幽州漁陽

縣是時苗曾蓋洽無終

曾出迎於路漢即收曾斬之耿弇到上谷

亦收韋順蔡充斬之北州震駭於是悉發其兵秋蕭

王擊銅馬於鄴

賢曰鄴縣名屬鉅鹿郡故城在冀州鹿城縣東鄴音苦堯翻

吳漢將突騎

來會清陽

賢曰清陽縣名屬清河郡今貝州縣故城在州西北

士馬甚盛漢悉上兵

簿於莫府

賢曰莫大也兵簿軍士之名帳上時掌翻

請所付與不敢自私王益

重之王以偏將軍沛國朱浮為大將軍幽州牧使治

薊城銅馬食盡夜遁蕭王追擊於館陶大破之

賢曰館陶

縣屬魏郡今魏州縣

受降未盡

降戶江翻下同

而高湖重連從東南來與

銅馬餘眾合蕭王復與大戰於蒲陽悉破降之

賢曰前書

音義曰蒲陽山蒲水所出在今定州北平縣西北余按此乃班書地理志中山曲逆縣下分注非音義也復扶又翻

封其渠

帥為列侯

帥所類翻

諸將未能信賊降者亦不自安王知其意敕令降者各歸營勒兵自乘輕騎按行部陳降

者更相語曰蕭王推赤心置人腹中安得不投死乎

賢曰投死猶言致死余謂投託也託以死也行下孟翻陳讀曰陣更工衡翻

由是皆服悉以降人分配諸將衆遂數十萬赤眉別帥與青犢上江大彤

鐵脛五幡十餘萬衆在射犬賢曰續漢志野王有射犬聚故城在今懷州武德縣北

蕭王引兵進擊大破之南徇河內河內太守韓歆降

初謝躬與蕭王共滅王郎數與蕭王違戾數所角翻常

欲襲蕭王畏其兵彊而止雖俱在邯鄲遂分城而處

處呂呂翻然蕭王有以慰安之躬勤於吏職蕭王常稱之

曰謝尚書真吏也故不自疑其妻知之常戒之曰君

與劉公積不相能而信其虛談終受制矣躬不納既

而躬率其兵數萬還屯於鄴鄴縣屬魏郡及蕭王南擊青

犢使躬邀擊尤來於隆慮山地理志隆慮縣屬河南郡應劭曰隆慮山在縣北避殤帝名改

曰林慮師古曰慮音廬躬兵大敗蕭王因躬在外使吳漢與刺姦

大將軍岑彭襲據鄴城躬不知輕騎還鄴漢等收斬

之其眾悉降 更始遣枉功侯李寶益州刺史李忠

將兵萬餘人徇蜀漢公孫述遣其弟恢擊寶忠於綿

竹賢曰綿竹縣名屬廣漢郡今益州縣也故城今在縣東大破走之述遂自立為蜀

王都成都述先居臨邛民夷皆附之 冬更始遣中郎

將歸德侯颯大司馬護軍陳遵使匈奴授單于漢舊

制璽綬王莽篡漢易單于璽綬事見二十七卷始建國二一年今復授之颯音立爾至斯氏翻綬音受因送云當

餘親屬貴人從者還匈奴天鳳五年莽脅二云當至長安莽敗云當亦死所餘親屬貴人從者今

送還匈奴單于輿驕謂遵颯曰匈奴本與漢為兄弟匈奴從才用翻

奴中亂師古曰言中間之時也讀如本字又音竹仲翻孝宣皇帝輔立呼韓邪單

于故稱臣以尊漢今漢亦大亂為王莽所篡匈奴亦

出兵擊莽空其邊境令天下騷動思漢莽卒以敗而

漢復興亦我力也當復尊我遵與相掌拒卒子恤翻復扶又翻師古

人掌謂支柱也音曰庚翻又丑庚翻單于終持此言 赤眉樊崇等將兵

入潁川分其衆爲二部崇與逢安爲一部

東觀記曰逢音龐

徐

宣謝祿楊音爲一部赤眉雖數戰勝

數所角翻

而疲弊厭

兵皆日夜愁泣思欲東歸崇等計議慮衆東向必散

不如西攻長安於是崇安自武關宣等從陸渾關

賢曰

武關在今商州上洛縣東文穎曰弘農析縣西百七十里有武關前書曰陸渾縣有關在今洛州伊闕縣西南地理志陸渾縣屬弘農郡

師古曰渾音胡昆翻兩道俱入更始使王匡成丹與抗威將軍劉

均等分據河東弘農以拒之 蕭王將北徇燕趙度

赤眉必破長安

度徒洛翻

又欲乘釁并關中而未知所寄

乃拜鄧禹爲前將軍中分麾下精兵二萬人遣西入

關令自選偏裨以下可與俱者時朱鮪李軼田立陳

僑將兵號三十萬

僑音喬

與河南太守武勃共守洛陽

鮑永田邑在并州蕭王以河內險要富實

河內北有太行之險南據

河津之要

欲擇諸將守河內者而難其人

賢曰非其人不可故難之

問於

鄧禹鄧禹曰寇恂文武備足有牧人御衆之才非此

子莫可使也乃拜恂河內太守行大將軍事考異曰袁紀鄧禹

初見王於鄴即言欲據河內至是又云更始武陰王李軼據洛陽尚書謝躬據鄴各十餘萬衆王患焉將取河內以迫之謂鄧禹曰卿言

吾之有河內猶高祖之有關中關中非蕭何誰能使一方晏然高祖無西顧之憂吳漢之能卿舉之矣復為吾舉蕭何禹曰寇恂才兼文

武有御衆才非恂莫可安河內也按世祖既貳更始先得河內魏郡因欲守之以比關中非本心造謀即欲指取河內也今依范書為定

蕭王謂恂曰昔高祖留蕭何關中吾今委公以河內

當給足軍糧率厲士馬防遏他兵勿令北度而已拜

馮異為孟津將軍賢曰孟地名古今以為津在河內郡河陽縣南門統魏郡河內

兵於河上以拒洛陽蕭王親送鄧禹至野王禹既西

蕭王乃復引兵而北寇恂調糒糧復扶又翻調徒弔翻糒音侯乾食也治

器械以供軍治直之翻軍雖遠征未嘗乏絕 隗崔隗義

謀叛歸天水隗囂恐并及禍乃告之更始誅崔義以

囂為御史大夫武帝元鼎三年置天水郡秦州記云郡前湖水冬夏無增減因以名焉 梁王

永據國起兵招諸郡豪桀沛人周建等並署為將帥

攻下濟陰山陽沛楚淮陽汝南凡得二十八城亮翻

帥所類翻又遣使拜西防賊帥山陽佼彊為橫行將軍

賢曰西防縣名故城在今宋州單父縣北佼音絞姓也周大夫原伯

佼之後姓譜曰春秋絞國即佼也後改從人漢有佼彊杜佑曰佼音

効余考兩漢志無西防縣東海賊帥董憲為翼漢大將軍琅邪賊帥

張步為輔漢大將軍督青徐二州與之連兵遂專據

東方 邳人秦豐起兵於黎丘攻得邳宜城等十餘

縣有眾萬人自號楚黎王按王莽之末秦豐已起兵矣通鑑

屬南郡孟康曰邳音忌師古曰邳音其劉昭曰邳有黎上城賢曰

習鑿齒襄陽記曰秦豐黎上鄉人黎上楚地故稱楚黎王黎上故城

在今襄州率道縣北杜佑曰襄州宜城縣舊率汝南田戎攻

陷夷陵賢曰夷陵縣名屬南郡有夷山故曰夷陵今峽州自稱

埽地大將軍轉寇郡縣眾數萬人

資治通鑑卷第三十九

魏有梁冀人自謂整裝王...
 東衣...
 魏世為...
 東...
 又...
 文不...
 采...

資治通鑑卷第四十

翰林學士兼侍讀學士朝散大夫右諫議大夫知制誥判尚書都省兼提舉萬壽觀公事上護軍河內郡開國侯食邑一千三百戶賜紫金魚袋臣司馬光奉勅編集

後學天台胡三省音註

漢紀三十二

起旃蒙作噩盡柔北闕茂凡二年

世祖光武皇帝上之上

諱秀字文叔賢曰禮祖有功而宗有德光武中葉興故廟稱世

祖謚法能紹前業曰光克定禍亂曰武伏侯古今註曰秀之字曰茂伯仲叔季兄弟之女長兄伯升次仲故字文叔焉

建武元年

是年六月即位改元

春正月方望與安陵人弓林

姓譜弓魯

大夫叔弓之後又孔子弟子有仲弓又有馯臂子弓

共立前定安公嬰為天子聚黨

數千人居臨涇

臨涇縣屬安定郡賢曰今涇州縣

更始遣丞相松等擊

破皆斬之

鄧禹至箕關

賢曰箕關在今王屋縣東余據唐王屋縣屬懷州水經註箕關故城

在垣

擊破河東都尉進圍安邑

縣名屬河東郡

赤眉二部俱

會弘農更始遣討難將軍蘇茂拒之

難乃日翻

茂軍大敗

赤眉衆遂大集乃分萬人爲一營凡三十營三月更

始遣丞相松與赤眉戰於務鄉

賢曰務音莫老翻字林曰毒草也

志弘農有務鄉東觀記曰崇等入至弘農枯縱山下與茂戰崇北至務鄉轉至湖湖即湖城縣也以此而言其地蓋在今號州湖城縣之

間松等大敗死者二萬餘人赤眉遂轉北至湖蜀

郡功曹李熊說公孫述宜稱天子

說輸芮翻

夏四月述即

帝位號成家

賢曰以起成都故號成家

改元龍興

時有龍出其府因以紀元

李熊爲

大司徒述弟光爲大司馬恢爲大司空越雋任貴據

郡降述

王莽天鳳三年任貴據越雋雋音隴任音壬

蕭王北擊尤來大槍五

幡於元氏

地理志元氏縣屬常山郡關駟曰趙公子元之封邑故曰元氏

追至北平連破之

賢曰北平縣屬中山國今易州永樂縣也

又戰於順水北

賢曰水經註云徐水經北平縣故城北光武追銅馬

五幡破之於順水即徐水之别名也今在易州括地志徐水過北平縣界而東流又東逕清苑城乘勝輕進反

為所敗敗補邁翻王自投高岸突騎王豐下馬授王騎奇寄翻下同

王僅而得免散兵歸保范陽賢曰縣名在范水之陽屬涿郡范陽故城在今易州易縣東南

軍中不見王或云已殺諸將不知所為吳漢曰卿曹

努力王兄子在南陽何憂無主兄子謂伯升子章及興也眾恐懼數

日乃定賊雖戰勝而憚王威名夜遂引去大軍復進

至安次連戰破之復扶又翻賢曰安次縣名屬渤海郡今幽州縣也故城在縣東按我朝霸州文安縣本

漢安次縣地賊退入漁陽所過虜掠彊弩將軍陳俊言於

王曰賊無輜重重直用翻宜令輕騎出賊前使百姓各自

堅壁以絕其食可不戰而殄也王然之遣俊將輕騎

馳出賊前視人保壁堅完者敕令固守放散在野者

因掠取之賊至無所得遂散敗王謂俊曰因此虜者

將軍策也馮異遺李軼書為陳禍福遺于季翻為于偽翻勸令歸

附蕭王軼知長安已危而以伯升之死心不自安事見三十八卷

上卷更始元年乃報書曰軼本與蕭王首謀造漢王莽地皇三年

今軼守洛陽將軍鎮孟津俱據機軸賢曰機弩牙也軸車軸也皆在物之要故

取喻千載一會思成斷金易曰二人同心其義斷金陸德明曰斷丁亂翻王蕭丁管翻唯

深達蕭王願進愚策以佐國安民軼自通書之後不

復與異爭鋒復扶又翻故異得北攻天井關劉昭志曰上黨高都縣有天井關賢

曰在今澤州晉城縣南今太行山上關南有天井泉三所拔上黨兩城又南下河南成

臯以東十三縣降者十餘萬武勃將萬餘人攻諸畔

者異與戰於士鄉下劉昭志河南維陽縣有士鄉聚續漢志曰士鄉亭名屬河南郡大破斬

勃軼閉門不救異見其信效具以白王王報異曰季

文多詐李軼字季文人不能得其要領要一遙翻今移其書告守

尉當警備者衆皆怪王宣露軼書朱鮪聞之鮪于軼翻使

人刺殺軼刺七亦翻由是城中乖離多有降者降戶江翻朱鮪

聞王北征而河內孤乃遣其將蘇茂賈彊將兵三萬

餘人度鞏河攻温鞏縣屬河南郡周鞏伯之國也河水過鞏縣北謂之鞏河即五社津也温縣屬河內郡周

大夫蘇子邑賢曰鞏温並今洛州縣也鮪自將數萬人攻平陰以綴異賢曰平陰

縣名屬河南郡杜佑曰漢平陰縣城在今洛陽縣北五十里水經註平陰即晉之陰地故陰戎所居魏文帝改曰河陰綴謂連綴也將即

亮檄書至河內寇恂即勒軍馳出並移告屬縣發兵

會温下軍吏皆諫曰今洛陽兵度河前後不絕宜待

衆軍畢集乃可出也恂曰温郡之藩蔽失温則郡不

可守遂馳赴之旦日合戰而馮異遣救及諸縣兵適

至恂令士卒乘城鼓譟大呼言曰劉公兵到蘇茂軍

聞之陳動呼火故翻陳讀曰陣恂因奔擊大破之馮異亦渡河擊

朱鮪鮪走異與恂追至洛陽環城一帀而歸環音宦而作答翻周

回也自是洛陽震恐城門晝閉異恂移檄上狀諸將入

賀因上尊號上時掌翻下同將軍南陽馬武先進曰大王雖

執謙退柰宗廟社稷何宜先即尊位乃議征伐今此

誰賊而馳驚擊之乎賢曰誰謂未有主也前書音義曰直馳曰馳亂馳曰驚余謂誰賊者蓋謂位號未正

指誰為賊也王驚曰何將軍出此言可斬也乃引軍還薊

復遣吳漢率耿弇景丹等十三將軍追尤來等復扶又翻

下除賈復外皆同斬首萬二千餘級遂窮追至浚靡而還賢曰浚靡

縣名屬右北平郡故城在今漁陽縣北靡音麻賊散入遼西遼東為烏桓貊人所

鈔擊略盡貊莫白翻鈔楚交翻都護將軍賈復漢宣帝置西域都護盡護南北道諸國甘延壽

之擊到支也自謂為都護將軍漢朝未以為將軍號也至光武乃以命賈復與五校戰於真定復

傷創甚校戶教翻創初良翻王大驚曰我所以不令賈復別將者

將即亮翻為其輕敵也為于偽翻果然失吾名將聞其婦有孕生

女邪我子娶之生男邪我女嫁之不令其憂妻子也

復病尋愈追及王於薊相見甚驩薊音計還至中山諸

將復上尊號王又不聽行到南平棘賢曰縣名屬常山郡今趙州縣故城在縣

南諸將復固請之王不許諸將且出耿純進曰天下

士大夫捐親戚棄土壤從大王於矢石之間者其計

固望攀龍鱗附鳳翼以成其所志耳今大王留時逆

衆不正號位純恐士大夫望絕計窮則有去歸之思

無爲久自苦也大衆一散難可復合純言甚誠切王

深感曰吾將思之行至鄙續漢志鄙縣屬常山國帝於此卽位改曰高邑鄙呼各翻召

馮異問四方動靜異曰更始必敗宗廟之憂在於大

王宜從衆議會儒生彊華自關中奉赤伏符來詣王

曰劉秀發兵捕不道四夷雲集龍鬪野四七之際火

爲主賢曰疆音其兩翻姓譜其良翻風俗通作疆華系之曰晉有大夫疆劍四七二十八也自高祖至光武初起合二百二十八年

卽四七之際也漢火德故火爲主也羣臣因復奏請六月己未王卽皇帝

位於鄗南時設壇於鄗南千秋亭五城陌賢曰其地在今趙州柏鄉縣考異曰光武本紀馮異破蘇茂諸將上尊號光

武還至薊皆在四月前而馮異傳異與李軼書云長安壞亂赤眉臨郊王侯構難大臣乖離綱紀已絕又勸光武稱尊號亦曰二王反叛

更始敗亡按是年六月己未光武即位是月甲子鄧禹破王匡等於安邑王匡張卬等還奔長安乃謀以立秋軀虜時共劫更始然則三王反叛應在光武即位之後夏秋之交馮異安得於四月之前已言之也或者史家潤色其言致此差乎耳

鄧禹圍安邑數月未下更始大將軍樊參將數萬人度大陽

攻禹禹逆擊於解南斬之

王匡成丹劉均合軍十餘萬復共擊禹禹軍不利明日癸亥匡等以六甲窮日不出禹因得更治兵

甲子匡悉軍出攻禹禹令軍中毋得妄動既至營下因傳發諸將

禹追斬均及河東太守楊寶遂定河東匡等犇還長安

曰赤眉日暮且至見滅不久不如掠長安東歸南陽事若不集復入湖池中為盜耳乃共入說更始

賢曰大陽縣屬河東郡前書音義曰大河之陽春秋秦伯伐晉自茅津濟杜預曰河東大陽縣也

賢曰解縣屬河東郡故城在今蒲州桑泉縣東南也師古曰解音蟹

孟康曰傳令軍中使發也

考異曰劉玄傳王匡張卬守河東為鄧禹所破奔還長安鄧禹傳無張卬名今從之

張卬與諸將議

說輸芮翻

更始怒不應莫敢復言復扶又翻更始使王匡陳牧成丹

趙萌屯新豐李松軍擷以拒赤眉賢曰擷音子侯翻及續漢志新豐有鴻門亭擷

城即此也張印廖湛胡殷申屠建與隗囂合謀欲以立秋

日驅虜時賢曰前書音義曰驅獸以立秋日祭獸王者亦此日出獵用祭宗廟冀州北郡以八月朝作飲食為虜其俗語

曰虜臘社伏風俗通嘗新始殺食曰驅虜漢儀立秋日郊禮畢始揚威武乃祠先虞告以烹鮮天子御戎輅白馬朱鬣躬執弩射牲牲以

鹿臠斬牲於郊東門載獲車馳驅以薦陵廟名驅劉劉殺也驅於時殺物故以應之又謂之驅虜廖力弔翻驅去于翻虜音婁共劫

更始俱成前計考異曰袁紀云申屠建等勸更始讓帝位更始不應建等謀劫之今從范書更始

知之託病不出召張印等入將悉誅之唯隗囂稱疾

不入會客王遵周宗等勒兵自守更始狐疑不決印

湛殷疑有變遂突出獨申屠建在更始斬建使執金

吾鄧曄將兵圍隗囂第印湛殷勒兵燒門入戰宮中

更始大敗囂亦潰圍走歸天水明日更始東犇趙萌

於新豐更始復疑王匡陳牧成丹與張印等同謀乃

並召入牧丹先至即斬之王匡懼將兵入長安與張

印等合 赤眉進至華陰華戶軍中有齊巫齊巫齊國之巫常

鼓舞祠城陽景王城陽景王章有誅諸呂之功故齊人祠之以求福助巫狂言景王

大怒曰當為縣官何故為賊賢曰縣官謂天子也有笑巫者輒病

軍中驚動方望弟陽說樊崇等曰今將軍擁百萬之

眾西向帝城而無稱號說輸茂翻稱尺證翻名為羣賊不可以久

不如立宗室挾義誅伐以此號令誰敢不從崇等以

為然而巫言益甚前至鄭鄭縣屬京兆賢曰今華州縣乃相與議曰

今迫近長安而鬼神若此當求劉氏共尊立之先是

赤眉過式地理志式縣屬泰山郡近其斬翻先悉薦翻掠故式侯萌之子恭茂

盆子三人自隨萌之父曰憲城陽景王五世孫荒王順之子元帝時封式侯恭少習尚書

少詩照翻隨樊崇等降更始於洛陽樊崇等降見上卷更始元年降戶江翻復封

式侯為侍中在長安茂與盆子留軍中屬右校卒史

劉俠卿主牧牛

漢注卒史秩百石九卿寺及諸郡及軍行部校皆有之校戶教翻俠戶類翻

及崇

等欲立帝求軍中景王後得七十餘人唯茂盆子及

前西安侯孝最為近屬崇等曰聞古者天子將兵稱

上將軍乃書札為符曰上將軍又以兩空札置笥中

賢曰札簡也笥篋也於鄭北設壇場祠城陽景王諸三老從事皆

大會

赤眉諸帥最尊者號三老次從事

列盆子等三人居中立以年次

探札盆子最幼後探得符

探吐南翻

諸將皆稱臣拜盆子

時年十五被髮徒跣敝衣赭汗見眾拜恐畏欲啼

皮被

義翻茂謂曰善臧符

臧讀曰藏

盆子即齧折棄之

折而設翻

以徐宣

為丞相樊崇為御史大夫逢安為左大司馬

逢皮江翻

謝

祿為右大司馬其餘皆列卿將軍盆子雖立猶朝夕

拜劉俠卿時欲出從牧兒戲俠卿怒止之崇等亦不

復候視也

復扶又翻

秋七月辛未帝使使持節拜鄧禹

為大司徒封鄼侯食邑萬戶賢曰鄼縣屬南陽郡故城在今襄州穀城縣東北余謂蓋以禹

功比蕭何故封之鄼鄼音贊禹時年二十四又議選大司空帝以赤

伏符曰王梁主衛作玄武丁丑以野王令王梁為大

司空帝以野王衛之所徙玄武水神之名司空水土之官也於是用梁賢曰玄武北方之神龜蛇合體野王縣屬河內郡宋白曰懷

州河內縣古野王也又欲以讖文用平狄將軍孫咸行大司馬衆

咸不悅讖楚譖翻壬午以吳漢為大司馬初更始以琅邪

伏湛為平原太守姓譜伏本自伏羲之後漢初有濟南伏生守式又翻時天下兵起

湛獨晏然撫循百姓門下督謀為湛起兵湛收斬之

諸郡各有門下督主兵衛為于偽翻於是吏民信向平原一境賴湛以全

帝徵湛為尚書使典定舊制又以鄧禹西征拜湛為

司直行大司徒事東都之司徒西都之丞相也司直即丞相司直車駕每出征伐

常留鎮守鄧禹自汾陰渡河入夏陽汾陰縣屬河東夏陽縣屬馮翊

更始左輔都尉公乘歛引其衆十萬與左馮翊兵共

拒禹於衙

地理志左輔都尉治高陵賢曰左輔即左馮翊也三輔皆有都尉衙縣名屬左馮翊故城在今同州白水縣東

北左傳秦晉戰于彭衙即此地公乘姓也以秦爵為氏乘繩證翻歛許及翻

禹復破走之又翻宗室

劉茂聚眾京密間

茂元氏王歆從父弟也賢曰京縣屬河南郡鄭之京邑故城在今鄭州滎陽縣東南密縣屬河南郡故城在今密縣東南

屬河南郡故城在今密縣東南

自稱厭新將軍

厭一葉翻厭伏也新謂新室也

攻下潁川汝

南眾十餘萬人帝使驃騎大將軍景丹建威大將軍

耿弇彊弩將軍陳俊攻之茂來降

降戶江翻

封為中山王

己亥帝幸懷

懷故城在武陟縣西南十餘里賢曰縣名屬河南郡故城在懷州武陟縣西余據河內郡治懷

在維陽北百四十里

遣耿弇陳俊軍五社津

即鞏河也水經注河水東過鞏縣北於此有五社渡

為五社津杜佑曰一名五渡津

備滎陽以東使吳漢率建議大將軍朱

祐等十一將軍圍朱鮪於洛陽八月進幸河陽

地理志河

陽縣屬河內郡

李松自擷引兵還從更始與趙萌共攻王匡

張卬於長安連戰月餘匡等敗走更始徙居長信宮

三輔黃圖曰從洛門至周廟門有長信宮在其中

赤眉至高陵

地理志高陵縣屬馮翊

王匡張

印等迎降之遂共連兵進攻東都門李松出戰赤眉

生得松松弟況為城門校尉開門納之九月赤眉入

長安更始單騎走從廚城門出三輔黃圖曰洛城門王莽改曰建子門其內有長安

廚官俗名之為廚城門今長安故城北面之中門是也騎奇寄翻式侯恭以赤眉立其弟自

繫詔獄聞更始敗走乃出見定陶王祉祉為之除械

為于偽翻相與從更始於渭濱右輔都尉嚴本恐失更始

為赤眉所誅即將更始至高陵將如字領也携也挾也本將兵宿

衛其實圍之右輔都尉治郿高陵左輔都尉治所也右恐當作左更始將相皆降赤

眉獨丞相曹竟不降手劍格死又手守翻辛未詔封更

始為淮陽王吏民敢有賊害者罪同大逆其送詣吏

者封列侯初宛人卓茂卓姓也史記貨殖傳有蜀卓氏宛於元翻寬仁恭愛

恬蕩樂道恬安恬蕩坦蕩蕩也樂音洛雅實不為華貌行己在於清

濁之間自束髮至白首未嘗與人有爭競鄉黨故舊

雖行能與茂不同行下孟翻而皆愛慕欣欣焉哀平間為

密令宋白續通典曰密縣古鄗國密國之地左傳諸侯伐鄭圍新密漢為縣屬河南郡今縣東南二十里有故密城即漢理所

視民如子舉善而教口無惡言吏民親愛不忍欺之

民嘗有言部亭長受其米肉遺者賢曰部謂所部也遺于季翻下同茂

曰亭長為從汝求乎為汝有事囑之而受乎囑之欲翻託也私請

也將平居自以恩意遺之乎民曰往遺之耳茂曰遺

之而受何故言邪民曰竊聞賢明之君使民不畏吏

吏不取民今我畏吏是以遺之吏既卒受卒終也音子恤翻故

來言耳茂曰汝為敝民矣凡人所以羣居不亂異於

禽獸者以有仁愛禮義知相敬事也汝獨不欲修之

寧能高飛遠走不在人間邪吏顧不當乘威力彊請

求耳亭長素善吏歲時遺之禮也民曰苟如此律何

故禁之茂笑曰律設大灋禮順人情今我以禮教汝

汝必無怨惡以律治汝汝何所措其手足乎治直之翻下同

一門之內小者可論大者可殺也且歸念之初茂到

縣有所廢置吏民笑之鄰城聞者皆蚩其不能也蚩笑也

河南郡為置守令茂不為嫌治事自若茂正為令郡復置守令使與茂

並居郡為于偽翻數年教化大行道不拾遺遷京部丞王莽秉政置大司農

京部丞主司隸所部密人老少皆涕泣隨送及王莽居

攝以病免歸上即位先訪求茂茂時年七十餘甲申

詔曰夫名冠天下冠古玩翻當受天下重賞今以茂為太

傅東都之制太傅位上公絕席在三公之右封褒德侯臣光曰孔子稱舉善

而教不能則勸論語孔子答季康子之言是以舜舉臯陶湯舉伊尹

而不仁者遠論語子夏答樊遲之言陶音遙有德故也光武即位之初

羣雄競逐四海鼎沸彼摧堅陷敵之人權略詭辯之

士方見重於世而獨能取忠厚之臣旌循良之吏拔

於草萊之中寘諸羣公之首宜其光復舊物享祚久長蓋由知所先務而得其本原故也 諸將圍洛陽

數月朱鮪堅守不下帝以廷尉岑彭嘗為鮪校尉朱鮪

為大司馬以彭為校尉後從邑人韓歆於河內遂歸光武校戶教翻令往說之說輸鮪在城上

彭在城下為陳成敗偽翻鮪曰大司徒被害時鮪與

其謀又諫更始無遣蕭王北伐事並見上卷更始元年與讀曰預誠自

知罪深不敢降彭還具言於帝還從宣翻帝曰舉大事

者不忌小怨鮪今若降官爵可保況誅罰乎河水在

此吾不食言賢曰指河以為信言其明白也索隱曰左傳曰食言多矣能無肥乎是謂食言為妄言彭復

往告鮪鮪從城上下索復扶又翻下還曰必信可乘此

上上時掌彭趣索欲上賢曰趣向也春遇翻鮪見其誠即許降辛

卯朱鮪面縛與岑彭俱詣河陽帝解其縛召見之復

令彭夜送鮪歸城明日與蘇茂等悉其眾出降拜鮪

為平狄將軍封扶溝侯

地理志扶溝縣屬淮陽郡陳留風俗傳小扶亭有洧水之溝因以名縣

後為少府傳封累世帝使侍御史河內杜詩安集洛

陽將軍蕭廣縱兵士暴橫

橫戶孟翻

詩敕曉不改

敕戒也曉開諭也

遂格殺廣還以狀聞上召見賜以棨戟

漢雜事曰漢制假棨戟以代斧

鉞崔豹古今注曰棨戟前驅之器也以木為之後代刻偽無復典刑以赤油韜之亦謂之油戟亦曰棨戟王公以下通用之以前驅遂

擢任之冬十月癸丑車駕入洛陽幸南宮遂定都

焉

蔡質漢儀曰南宮至北宮中央作大屋複道三道行天子從中道從官夾左右十步一衛兩宮相去七里

赤眉下

書曰聖公降者封為長沙王過二十日勿受更始遣

劉恭請降赤眉使其將謝祿往受之更始隨祿肉袒

上璽綬於盆子

璽斯氏翻綬音受

赤眉坐更始置庭中將殺之

劉恭謝祿為請不能得

為于偽翻下同

遂引更始出劉恭追

呼曰

呼火故翻

臣誠力極請得先死拔劍欲自刎

刎武粉翻樊崇

等遽共救止之乃赦更始封為畏威侯劉恭復為固

請又復扶翻

竟得封長沙王更始常依謝祿居劉恭亦擁

護之

劉盆子居長樂宮

樂音洛

三輔郡縣營長遣使

貢獻

時三輔豪傑處處屯聚各有營長長知兩翻

兵士輒剽奪之又數暴掠吏

民由是皆復固守

票匹妙翻數所角翻復扶又翻

百姓不知所歸聞鄧

禹乘勝獨克而師行有紀

賢曰紀綱紀也言有條貫而不殘暴

皆望風相

攜負以迎軍降者日以千數衆號百萬禹所止輒停

車拄節以勞來之

勞力到翻來力代翻

父老童穉垂髮戴白滿其

車下莫不感悅

賢曰垂髮童幼也戴白父老也穉直利翻

於是名震關西諸將

豪桀皆勸禹徑攻長安禹曰不然今吾衆雖多能戰

者少前無可仰之積

賢曰仰魚向翻

後無轉饋之資赤眉新

拔長安財穀充實鋒銳未可當也夫盜賊羣居無終

日之計財穀雖多變故萬端寧能堅守者也上郡北

地安定三郡土廣人稀饒穀多畜

畜許救翻謂六畜也

吾且休兵

北道就糧養士以觀其敝乃可圖也於是引軍北至

柵邑

賢曰柵邑縣屬右扶風故城在今鹵州三水縣東北宋白曰三水縣東北一十五里邪邑原上有柵邑故城柵音荀 考異曰

袁紀禹曰壘書每至輒曰無與窮赤眉爭鋒按世祖賜禹書責其不攻長安不容有此語二年十一月詔徵禹還乃曰毋與窮寇爭鋒袁

紀誤也

所到諸營保郡邑皆開門歸附

上遣岑彭擊

荊州羣賊下犍葉等十餘城

地理志犍葉二縣皆屬南陽郡賢曰犍故城在今汝州魯山縣

東南葉今許州葉縣也師古曰犍音昌牛翻葉音式涉翻

十一月甲午上幸懷

梁王

永稱帝於睢陽

睢音雖

十二月丙戌上還洛陽 三

輔苦赤眉暴虐皆憐更始欲盜出之張卬等深以為

慮

卬等攻更始悉其得位而禍及己故深以為慮

使謝祿縊殺之劉恭夜往收藏

其尸帝詔鄧禹葬之於霸陵中郎將宛人趙熹將出

武關

宛於元翻熹許記翻又許里翻

道遇更始親屬皆裸跣飢困裸即果翻熹

竭其資糧以與之將護而前

將送也

宛王賜聞之迎還

鄉里

還從宜翻又如字

隗囂歸天水復招聚其衆

復扶又翻

興修

故業自稱西州上將軍三輔士大夫避亂者多歸囂

囂傾身引接為布衣交以平陵范逵為師友倫翻前

涼州刺史河內鄭興為祭酒前書音義曰禮飲酒必祭示有先也故稱祭酒祭祀時唯長者

以酒沃酌茂陵申屠剛杜林為治書賢曰治書即治書侍御史治直之翻馬援為

綏德將軍楊廣王遵周宗及平襄行巡阿陽王捷地理

志平襄縣阿陽縣屬天水郡行姓巡名姓譜周有大行人之官其後氏焉長陵王元為大將軍安

陵班彪之屬為賓客由此名震西州聞於山東聞音

馬援少時以家用不足辭其兄況欲就邊郡田牧況

曰汝大才當晚成良工不示人以朴且從所好賢曰從其

所請也少詩照翻好呼到翻下同遂之北地田牧常謂賓客曰丈夫為

志窮當益堅老當益壯後有畜數千頭穀數萬斛畜

救既而歎曰凡殖財產貴其能賑施也施式否則守

錢虜耳乃盡散於親舊聞隗囂好士往從之囂甚敬

重與決籌策班彪穉之子也

班穉見三十六卷平帝元始元年

初平陵

竇融累世仕宦河西知其土俗與更始右大司馬趙

萌善私謂兄弟曰天下安危未可知河西殷富帶河

為固張掖屬國精兵萬騎

漢邊郡皆置屬國有都尉以領之

一旦緩急

杜絕河津足以自守此遺種處也

賢曰遺留也可以保全不畏絕滅種章勇翻

乃因萌求往河西萌薦融於更始以為張掖屬國都

尉融既到撫結雄桀懷輯羌虜

輯和也

甚得其歡心是

時酒泉太守安定梁統

姓譜梁姓本自秦仲周平王封其少子康於夏陽梁山是為梁伯後為秦

所併子孫以國為氏

金城太守庫鈞

賢曰前書音義曰庫姓即倉庫吏後也今羌中有姓庫者音舍承鈞之後

也張掖都尉茂陵史苞酒泉都尉竺曾

姓譜竺孤竹君之後本姓竹後漢擬

賜侯竺二晏報怨有仇以曹始名賢不改其族乃加二字以存夷齊一曰天竺國之後

敦煌都尉辛彤

敦徒門傑

彤余中翻

並州郡英俊融皆與厚善及更始敗融與梁統

等計議曰今天下擾亂未知所歸河西斗絕在羌胡

中賢曰斗峻絕也不同心戮力則不能自守權鈞力齊

復無以相率復扶又翻當推一人為大將軍共全五郡觀

時變動議既定而各謙讓以位次咸共推梁統統固

辭乃推融行河西五郡大將軍軍事武威太守馬期張

掖太守任仲任音壬並孤立無黨乃共移書告示之二

人即解印綬去於是梁統為武威太守史苞為張

掖太守竺曾為酒泉太守辛彤為敦煌太守融居屬

國領都尉職如故置從事監察五郡監古銜翻河西民俗

質樸而融等政亦寬和上下相親晏然富殖脩兵馬

習戰射明烽燧羌胡犯塞融輒自將與諸郡相救皆

如符要賢曰赴敵不失期契也將即亮翻每輒破之其後羌胡皆震服

親附內郡流民避凶饑者歸之不絕王莽之世天

下咸思漢德安定三水盧芳居左谷中續漢志曰三水縣有左右谷故

城在今涇州安定縣南水經註肥水出高平西北牽條山東北出
峽注于高平川水東有山山東有二水縣故城本屬國都尉治 詐

稱武帝曾孫劉文伯云曾祖母匈奴渾邪王之姊也

常以是言誑惑安定間王莽末乃與三水屬國羌胡

起兵更始至長安徵芳為騎都尉使鎮撫安定以西

更始敗三水豪桀共立芳為上將軍西平王賢曰欲平定西方故

以為號使使與西羌匈奴結和親單于以為漢氏中絕

劉氏來歸我亦當如呼韓邪立之令尊事我乃使句

林王將數千騎迎芳兄弟入匈奴賢曰句古侯翻立芳為漢

帝以芳弟程為中郎將將胡騎還入安定 帝以關

中未定而鄧禹久不進兵賜書責之曰司徒堯也亡

賊桀也長安吏民惶惶無所依歸宜以時進討鎮慰

西京繫百姓之心禹猶執前意別攻上郡諸縣更徵

兵引穀歸至大要賢曰大要縣屬北地郡積弩將軍馮愔車騎將

軍宗敬守栒邑二人爭權相攻悖遂殺敬悖於今翻因反

擊禹禹遣使以聞帝問使人使疏吏翻悖所親愛為誰對

曰護軍黃防帝度悖防不能久和執必相忤度徒洛翻忤五故翻

因報禹曰縛馮悖者必黃防也乃遣尚書宗廣持節

往降之降戶江翻後月餘防果執悖將其眾歸罪更始諸

將王匡胡殷成丹等皆詣廣降廣與東歸至安邑道

欲亡廣悉斬之悖之叛也引兵西向天水隗囂逆擊

破之於高平地理志高平縣屬安定郡賢曰今原州高平縣杜佑曰原州他樓縣漢高平縣地又曰原州平高縣即漢

高平縣地考異曰鄧禹傳悖叛在建武元年隗囂傳在二一年蓋惜以元年冬末叛延及二年囂拜官在二一年也盡獲其

輜重重直用翻於是禹承制遣使持節命囂為西州大將

軍得專制涼州朔方事鄧禹西征任專方面權宜命囂故曰承制言承制詔而命之也後之承制

始此臘日赤眉設樂大會酒未行羣臣更相辯鬪更工衡翻

而兵眾遂各踰宮斬關入掠酒肉互相殺傷衛尉諸

葛穉聞之

穉直利翻

勒兵入格殺百餘人乃定劉盆子惶

恐日夜啼泣從官皆憐之

從才用翻

帝遣宗正劉延攻

天井關與田邑連戰十餘合延不得進及更始敗邑

遣使請降即拜為上黨太守帝又遣諫議大夫儲大

伯持節徵鮑永永未知更始存亡疑不肯從收繫大

伯遣使馳至長安詢問虛實

謂黜正翻候伺也又古迴翻

初帝從

更始在宛

宛於元翻

納新野陰氏之女麗華

風俗通管脩自齊適楚為陰大夫其

後氏

是歲遣使迎麗華與帝姊湖陽公主妹寧平公

主俱到洛陽

賢曰寧平縣屬淮陽故城在今亳州谷陽縣西南

以麗華為貴人更

始西平王李通先娶寧平公主上徵通為衛尉

初

更始以王閔為琅邪太守張步據郡拒之閔諭降得

贛榆等六縣

地理志贛榆縣屬琅邪郡師古曰贛音紺榆音踰賢曰贛音貢今海州東海縣也余據今人皆從顏音

收兵與步戰不勝步既受劉永官號治兵於劇

地理志劇

縣屬北海郡賢曰故城在今青州壽光縣南故紀國城也治直之翻遣將徇泰山東萊城陽膠

東北海濟南齊郡皆下之閔力不敵乃詣步相見步

大陳兵而見之怒曰步有何罪君前見攻之甚閔按

劍曰太守奉朝命朝直而文公擁兵相拒張步字閔攻

賊耳何謂甚邪步起跪謝與之宴飲待為上賓令閔

關掌郡事賢曰關通也

二年春正月甲子朔日有食之 劉恭知赤眉必敗

密教弟盆子歸璽綬習為辭讓之言及正旦大會恭

先曰諸君共立恭弟為帝德誠深厚立且一年殺亂

日甚誠不足以相成恐死而無益願得退為庶人更

求賢知唯諸君省察知讀曰智省悉景翻樊崇等謝曰此皆崇等

罪也恭復固請復扶又或曰此寧式侯事邪賢曰劉恭為式侯言眾立

天子非恭所預恭惶恐起去盆子乃下牀解璽綬叩頭曰今

設置縣官而為賊如故四方怨恨不復信向此皆立

非其人所致願乞骸骨避賢聖路必欲殺盆子以塞

責者無所離死賢曰離避也塞悉則翻因涕泣噓唏賢曰唏與歔同崇等及

會者數百人莫不哀憐之乃皆避席頓首曰臣無狀

負陛下無狀無善狀也請自今已後不敢復放縱因共抱持

盆子帶以璽綬盆子號呼不得已號戶刀翻既罷出各閉

營自守三輔翕然稱天子聰明百姓爭還長安市里

且滿後二十餘日復出大掠如故刀子都為其部

曲所殺餘黨與諸賊會檀鄉號檀鄉賊刀依考異當作賢曰今兗州

檀鄉東魏郡有檀鄉寇魏郡清河魏郡大吏李熊弟陸謀反城迎

檀鄉反音翻或以告魏郡太守潁川銑期賢曰銑音姚姓也魏郡秦置故城在

今相州安陽縣東北期召問熊熊叩頭首服首式救翻願與老母俱就

死期曰為吏儻不若為賊樂者可歸與老母往就陸

也賢曰必以在城中為吏不如為賊之樂即任將母往就弟樂音洛使吏送出城熊行求得

陸將詣鄴城西門魏郡治鄴城將如字陸不勝愧感勝音升自殺以

謝期期嗟歎以禮葬之而還熊故職於是郡中服其

威信帝遣吳漢率王梁等九將軍擊檀鄉於鄴東漳

水上水經漳水源出上黨長子縣西發鳩山東過壺關屯留潞武安等縣又東出山過鄴縣大破之十餘

萬眾皆降又使梁與大將軍杜茂將兵安輯魏郡清

河東郡悉平諸營保保與堡同二郡清靜邊路流通自維陽至漁陽

上谷路出三郡三郡既平則邊路流通矣范史杜茂傳邊作道庚辰悉封諸功臣為列侯

盤州洪氏曰西京列侯其傳國皆有世次東都枝葉不蕃而史筆又簡略梁侯鄧禹禹始封鄧是年改封梁侯地理志梁

縣屬河南郡唐汝州治梁縣宋白曰漢梁縣故城在汝水之南廣平侯吳漢賢曰廣平縣屬廣平郡故城在今洛州永

年縣西北皆食四縣博士丁恭議曰古者封諸侯不過百

里強幹弱枝所以為治也治直吏翻今封四縣不合法制

帝曰古之亡國皆以無道未嘗聞功臣地多而滅亡

者也陰鄉侯陰識貴人之兄也以軍功當增封識叩

頭讓曰天下初定將帥有功者衆臣託屬掖廷仍加

爵邑不可以示天下此爲親戚受賞國人計功也戰國

公孫龍告平原君之辭

帝從之帝令諸將各言所樂

樂音洛

皆占美

縣占之瞻翻

河南太守潁川丁綝獨求封本鄉或問其故

綝曰綝能薄功微得鄉亭厚矣帝從其志封新安鄉

侯

綝丑林翻漢法大縣侯位視三公小縣侯位視上卿鄉亭侯位視中二千石綝潁川定陵人新安鄉蓋在定陵

帝使郎

中魏郡馮勤典諸侯封事勤差量功次輕重國土遠

近地執豐薄不相踰越莫不厭服焉

量音良厭於豔翻

帝以爲

能尚書衆事皆令總錄之故事尚書郎以令史久次

補之帝始用孝廉爲尚書郎

百官志尚書令史十八人秩二百石侍郎三十六人秩四百石

主作文書起草蔡質漢儀曰尚書郎初從三署詣臺試初上臺稱守尚書郎中歲滿稱尚書郎二年稱侍郎

起高廟

於洛陽

考異曰帝紀正月壬子按正月甲子朔不應有壬子誤

四時合祀高祖太宗

世宗建社稷於宗廟之右立郊兆於城南

續漢志曰立社稷於雒陽

在宗廟之右皆方壇四面及中各依方色無屋有墻門而已白虎通曰天子之壇方五丈諸侯之壇半天子之壇社者土也人非土不立

非穀不食故封土立社示有土也稷者五穀之長得陰陽中和之氣故祭之也沈約曰禮云共工氏之霸九州其子句龍曰后土能平九

土故祀以為社烈山氏之有天下其子曰神農能殖百穀其裔曰柱佐顓頊為稷官主農事周棄繼之

法施於人故祀以為稷禮王為羣姓立社曰太社王自為立社曰王社故國有二社而稷亦有二也漢魏則有官社無稷故常二社一稷也傳咸曰天子親耕以供粢盛親

耕自報故自為立社為籍而報也國以人為本人以國為命故又為百姓立社而祈報也此社之所以有二也王肅論王社謂春祈籍田

秋而報之也其論太社則曰王者布下圻內為百姓立之謂之太社不自立之京師也杜佑曰社者五土之神五土者山林川澤丘陵墳

衍原隰等各有所育羣生賴之故特於吐生物處別立其名為社稷者於五土之中特指原隰之祇以五土雖各有所生而山林川澤丘

陵墳衍此四者雜出材用等物於五穀之功則少且生人所急者食故於五土之中別旌異原隰之祇以報之以其能生五穀名其神但

五穀不可遍言以稷為五穀之長春生秋成之主稷者原隰之中能生五穀之祇是也續漢書曰制郊兆於雒陽城南七里為壇八階中

又為重壇天地位皆在壇上其外壇上為五帝位青帝位在甲寅赤帝位在丙巳黃帝位在丁未白帝位在庚申黑帝位在壬亥其外為

壇重營皆紫以象紫宮營有通道以為門日月在營內南道日在東月在西北斗在北道之西外營中營凡千五百一十四神高皇帝配

焉
長安城中糧盡赤眉收載珍寶大縱火燒宮室

市里恣行殺掠長安城中無復人行復扶又翻乃引兵而

西衆號百萬自南山轉掠城邑遂入安定北地鄧禹

引兵南至長安軍昆明池謁祠高廟收十一帝神主

送詣洛陽高惠文景武昭宣元成哀平十一帝賢曰神主以木爲之方尺二寸穿中央達四方諸侯王長一尺虞主用桑

練主用栗衛宏漢舊儀曰已葬收主爲木函藏廟太室中西壁坎中去地六尺一寸祭則立主於坎下因巡行園陵

爲置吏士奉守焉行下孟翻爲于僞翻真定王楊造識記曰赤

九之後癭楊爲主賢曰漢以火德故云赤也光武於高祖九代孫故云九癭於鄧翻癭生於頸而附於咽

楊病癭欲以惑衆與綿曼賊交通賢曰綿曼縣名屬真定國故城在今恆州石邑

縣西北俗音訛謂之人文故城也帝遣騎都尉陳副游擊將軍鄧隆徵

之楊閉城門不內帝復遣前將軍耿純持節行幽冀

所過勞慰王侯復扶又翻行下孟翻勞力到翻密敕收楊純至真定止

傳舍傳株戀翻邀楊相見純真定宗室之出也故楊不以

爲疑且自恃衆強而純意安靜即從官屬詣之賢曰男子

謂姊妹之子為出純母蓋真定宗室之女故楊不疑而來見純楊兄弟並將輕兵在門外將

亮翻楊入見純純接以禮敬因延請其兄弟皆入乃閉

閤悉誅之因勒兵而出真定震怖無敢動者怖普帝

憐楊謀未發而誅復封其子為真定王楊子二月

己酉車駕幸修武賢曰縣名屬河內郡本殷之甯邑韓詩外傳曰武王伐紂勒兵於甯故曰修武今懷州縣

也鮑永馮衍審知更始已亡乃發喪出儲大伯等

封上印綬悉罷兵幅巾詣河內杜佑曰按巾六國時趙魏之間通謂之承露庶人及

軍旅皆服之賢曰幅巾謂不著冠但幅巾束首也傅玄子曰漢末王公卿士多委王服以幅巾為雅是以袁紹崔鈞之徒雖為將帥皆著

幘巾上時掌翻考異曰鮑永傳稱永降於河內時攻懷未拔帝謂永曰我攻懷三日而城不下關東畏服卿可且將故人自往城下譬

之即拜永諫議大夫至懷乃說更始河內太守於是開城而降按光武未都洛陽以前屢幸懷又祠高祖於懷宮並無更始河內太守據

懷事本紀亦無攻懷一節按田邑書稱主上一歲莫知定所則永行之降必在此年而帝紀光武此年不曾幸河內但有幸脩武事然則

永行實降於脩武脩武亦河內縣也帝見永問曰卿眾安在其稱降懷等事當是史誤故皆略之

永離席叩頭曰離力臣事更始不能令全誠慙以其

衆幸富貴故悉罷之帝曰卿言大而意不悅帝雖謂永言大而以

其降晚意懷不悅也既而永以立功見用賢曰謂說下懷余按考異不取下懷事當以永討平魯郡為功

也按永傳時董憲裨將討魯侵害百姓乃拜永為魯郡太守永到討擊大破之唯別帥彭豐虞休皮常等各千餘人稱將軍不肯下永以

計誘手格殺豐等禽破黨與以功封關內侯遷揚州牧衍遂廢棄永謂衍曰昔高祖

賞季布之罪誅丁固之功事見十一卷高帝五年丁固即丁公今遭明主

亦何憂哉衍曰人有挑其鄰人之妻者其長者罵而

少者報之挑徒了翻長知兩翻少詩沼翻下同後其夫死取其長者或謂

之曰夫非罵爾者邪夫非之夫音扶曰在人欲其報我在我

欲其罵人也賢曰此並陳軫對秦王之辭見戰國策引之者言己為故主守節亦冀新帝重之也挑徒了翻夫

天命難知人道易守易以歧翻守道之臣何患死亡大

司空王梁屢違詔命梁與吳漢俱擊檀鄉詔軍事一屬漢而梁輒發野王兵帝以其不奉詔勅令止在所

縣而梁復以便宜進軍是屢違詔命也帝怒遣尚書宗廣持節即軍中斬梁

廣檻車送京師既至赦之以為中郎將北守箕關水經

註瀑水出河東垣縣王屋西山瀑溪夾山東南流逕故城東即瀑關也光武遣王梁守之

壬子以太中大

夫京兆宋弘為大司空弘薦沛國桓譚為議郎給事

中帝以沛郡為沛國帝令譚鼓琴愛其繁聲弘聞之不悅伺譚

內出內出從禁中出也伺相吏翻正朝服坐府上朝直遙翻遣吏召之譚至

不與席而讓之且曰能自改邪將令相舉以瀆乎譚

頓首辭謝良久乃遣之後大會羣臣帝使譚鼓琴譚

見弘失其常度帝怪而問之弘乃離席免冠謝曰離力

智翻臣所以薦桓譚者望能以忠正導主而令朝廷耽

悅鄭聲臣之罪也帝改容謝之湖陽公主新寡帝與

共論朝臣微觀其意主曰宋公威容德器羣臣莫及

帝曰方且圖之後弘被引見被皮義翻見賢遍翻帝令主坐屏風

後釋名屏風障風也因謂弘曰諺言貴易交富易妻人情乎弘

曰臣聞貧賤之知不可忘糟糠之妻不下堂帝顧謂

主曰事不諧矣 帝之討王郎也彭寵發突騎以助

軍事見上卷二一年轉糧食前後不絕及帝追銅馬至薊寵自

負其功意望甚高帝接之不能滿以此懷不平賢曰負恃

也不能滿其望故心不平也案寵傳先是吳漢北發兵帝遺寵以所服劍倚為北道主人及追銅馬北至薊寵來謁謂當迎閣握手交歡

並坐帝接之不能滿其意所以失望及即位吳漢王梁寵之所遣事見上卷更始二年

並為三公而寵獨無所加愈怏怏不得志怏於兩翻歎曰

如此我當為王但爾者陛下忘我邪爾猶言如此也是時北

州破散而漁陽差完有舊鐵官地理志漁陽郡漁陽有鐵官寵轉以

質穀積珍寶益富彊質音茂幽州牧朱浮年少有俊才

欲厲風迹賢曰風化之迹也少詩照翻收士心辟召州中名宿有名者宿之士

及王莽時故吏二千石皆引置幕府多發諸郡倉穀

稟贍其妻子寵以為天下未定師旅方起不宜多置

官屬以損軍實賢曰謂甲兵糧儲也左傳曰隳軍實也不從其令浮性矜急

自多賢曰矜誇多自取也寵亦狠彊嫌怨轉積浮數譖構之密奏

寵多聚兵穀意計難量狠戶狠翻數所角翻量音良上輒漏泄令寵

聞以脅恐之恐欺用翻又如字至是有詔徵寵寵上疏願與浮

俱徵帝不許寵益以自疑其妻素剛不堪抑屈固勸

無受徵曰天下未定四方各自為雄漁陽大郡兵馬

最精何故為人所奏而棄此去乎寵又與所親信吏

計議皆懷怨於浮莫有勸行者帝遣寵從弟子后蘭

卿喻之寵因留子后蘭卿遂發兵反拜署將帥自將

二萬餘人攻朱浮於薊又以與耿況俱有重功而恩

賞並薄數遣使邀誘況要一遙翻況不受斬其使延岑

復反圍南鄭岑降嘉見上卷更始二年復扶又翻下同漢中王嘉兵敗走岑遂

據漢中進兵武都地理志武都縣屬武都郡為更始柱功侯李寶所

破岑走天水走音奏公孫述遣將侯丹取南鄭嘉收散

卒得數萬人以李寶為相從武都南擊侯丹不利還

軍河池下賢曰河池縣屬武都郡一名仇池今鳳州縣也下辨道亦屬武都郡今成州同谷縣師古曰辨音皮覓翻

復與延岑連戰岑引北入散關至陳倉賢曰散關故城在今陳倉縣南

十里有散谷水因取名焉地理志陳倉縣屬右扶風唐為寶雞縣屬岐州嘉追擊破之公孫述又

遣將軍任滿從閬中下江州東據扞關賢曰閬中江州皆縣名並屬巴

郡閬中今隆州縣也江州故城在渝州巴縣西宋白曰今渝州江津縣本漢江州縣史記曰楚肅王為扞關以拒蜀故基在今峽州巴山

於是盡有益州之地漢益州部漢中巴郡廣漢蜀郡犍為梓潼越雋益州等郡辛卯

上還洛陽 三月乙未大赦 更始諸大將在南方

未降者尚多帝召諸將議兵事以檄叩地曰郾最彊

宛為次誰當擊之叩去后翻又上候翻師古曰郾一戰翻宛於元翻賈復率然對

曰率然輕遽之貌臣請擊郾帝笑曰執金吾擊郾吾復何憂復扶

又大司馬當擊宛遂遣復擊郾破之尹尊降又東擊

更始淮陽太守暴汎汎降賢曰淮陽故城在今陳州宛上縣東南汎音泛又音凡降戶江翻

夏四月虎牙大將軍蓋延蓋古蓋翻督駙馬都尉馬武

等四將軍擊劉永破之遂圍永於睢陽故更始將蘇

茂反茂隨朱鮪降今復反殺淮陽太守潘蹇姓譜周文王之子季孫食采於潘因氏焉晉有潘父

楚有潘崇據廣樂而臣於永賢曰廣樂地闕今宋州虞城縣有長樂故城蓋避隋煬帝諱改永以

茂為大司馬淮陽王 吳漢擊宛宛王賜奉更始妻

子詣洛陽降帝封賜為慎侯賢曰慎縣屬汝南郡故城在今潁州潁上縣西北叔

父良族父歙族兄祉皆自長安來甲午封良為廣陽

王祉為城陽王宛王賜於光武為族兄更始近屬也歙許及翻亦更始近屬更始封為元氏王祉族兄春陵康

侯敞之子光武之族姪而春陵節侯買之嫡曾孫也更始封為定陶王又封兄續子章為太原

王興為魯王更始三子求敞鯉皆為列侯求為襄邑侯敞為穀孰侯

鯉為壽光侯鄧王王常降帝見之甚歡曰吾見王廷尉不

憂南方矣更始以王常為廷尉故帝稱之常降則得南陽一郡故云不憂南方拜為左曹前書百官表左

右曹加官受尚書事封山桑侯賢曰山桑縣屬沛郡今亳州縣五月庚辰

資治通鑑 四十一 漢紀 世祖光武皇帝 二十 中華書局聚

封族父歙為泗水王 帝以陰貴人雅性寬仁欲立

以為后貴人以郭貴人有子西都後宮之號十四等未有貴人光武中與斲瑯為樸六宮稱

氏為皇后以其子彊為皇太子大赦 丙午封泗水

王子終為淄川王終歙子也與帝少相親愛故封為王 秋賈復南擊召陵

新息平之召陵新息二縣並屬汝南郡賢曰新息故城在今豫州新息縣西南 復部將殺人於

潁川潁川太守寇恂捕得繫獄時尙草創軍營犯灋

率多相容恂戮之於市復以為恥還過潁川謂左右

曰吾與寇恂並列將帥而為其所陷今見恂必手劍

之恂知其謀不欲與相見姊子谷崇曰崇將也得帶

劍侍側卒有變足以相當卒讀日猝 恂曰不然昔藺相如

不畏秦王而屈於廉頗者為國也事見四卷周赧王三 乃

敕屬縣盛供具儲酒醪說文曰醪兼汁萍酒 執金吾軍入界一人

乃

皆兼二人之饌

賢曰饌具也雜院翻又音離戀翻

恂出迎於道稱疾而

還復勒兵欲追之而吏士皆醉遂過去恂遣谷崇以

狀聞帝乃徵恂恂至引見時賈復先在坐坐徂臥翻欲起

相避帝曰天下未定兩虎安得私鬪今日朕分之猶分

也解於是並坐極歡遂共車同出結友而去八月帝

自率諸將征五校校戶教翻丙辰幸內黃賢曰內黃縣屬魏郡今相州縣大破

五校於蕘陽降其衆五萬人賢曰蕘陽聚名屬魏郡故城在今相州堯城縣東余據左傳晉

荀盈如齊逆女還卒於戲陽杜預註內黃縣北有戲陽城堯城縣本漢內黃縣隋開皇十八年更名唐末改永定縣戲與蕘同許宜翻降

戶江翻下同帝遣游擊將軍鄧隆助朱浮討彭寵隆軍潞

南浮軍雍奴遣吏奏狀潞雍奴二縣皆屬漁陽郡水經曰鮑丘水過潞縣南曰潞河鄧隆軍於是

水之南爲彭寵所破宋白曰幽州武清縣本漢雍奴縣水經注云雍奴藪澤之名四面有水曰雍水不流曰奴帝讀檄怒

謂使吏曰遣吏來使故曰使吏使疏吏翻營相去百里其執豈可得相

及比若還若汝也必寐翻及也北軍必敗矣彭寵果遣輕兵擊

隆軍大破之浮遠遂不能救 蓋延圍睢陽數月克

之蓋古蓋翻劉永走至虞賢曰虞縣屬梁國故城在今宋州虞城縣虞人反殺其母

妻永與麾下數十人奔譙地理志譙縣屬沛郡賢曰今亳州縣蘇茂佼彊

周建合軍三萬餘人救永延與戰於沛西地理志沛縣屬沛郡賢曰

今徐州縣倭音絞又音効大破之永彊建走保湖陵地理志湖陵縣屬山陽郡茂犇

還廣樂延遂定沛楚臨淮三郡也帝使太中大夫伏隆

持節使青徐二州招降郡國青徐羣盜聞劉永破敗

皆惶怖請降怖普布翻張步遣其掾孫昱隨隆詣闕上書

獻鰓魚鰓步各翻隆湛之子也 堵鄉人董訢反宛城水經註曰

堵水南經小堵鄉賢曰在今唐州方城縣堵音者宛於元翻執南陽太守劉麟揚化將軍

堅鐔攻宛拔之麟離珍翻鐔徒含翻堅姓鐔名訢走還堵鄉 吳漢徇

南陽諸縣所過多侵暴破虜將軍鄧奉謁歸新野謁歸也

謁告而怒漢掠其鄉里遂反擊破漢軍屯據滎陽與

諸賊合從

從子容翻

九月壬戌帝自內黃還

陝賊蘇

況攻破弘農

陝失冉翻

帝使景丹討之會丹薨征虜將軍

祭遵擊弘農柏華蠻中賊皆平之

東觀記曰柏華聚也鄠道元曰河南郡新城縣

故蠻子國也縣有鄠聚今名蠻中括地志故麻城謂之蠻中在汝州梁縣界祭則介翻

赤眉引兵欲西

上隴

隴縣屬天水郡有大坂名隴坻三秦記曰其坂九回不知高幾許欲上者七日乃越高處可容百餘家清水四注下郭仲產秦

州記曰隴山東西百八十里登山嶺東望秦川四五百里極目泯然山東人行役升此而顧瞻者莫不悲思故歌曰隴頭流水分離四下

念我行役飄然曠野登高遠望涕零雙墮度汧隴無蠶桑八月乃麥五月乃凍解

隗囂遣將軍楊廣迎

擊破之又追敗之於烏氏涇陽間

烏氏涇陽二縣屬安定郡賢曰烏氏故城在今

涇州安定縣東四十里涇陽故城在今原州平高縣之南敗補邁翻氏音支

赤眉至陽城番須中

元曰陽城在安民縣成帝永始二年罷安定呼他苑以爲安民縣賢曰番須口與回中相近並在汧番音盤

逢大雪坑

谷皆滿土多凍死乃復還發掘諸陵

復扶又翻下同

取其寶

貨凡有玉匣殮者率皆如生

殮力瞻翻

賊遂汙辱呂后尸

汙烏故翻關中記呂后合葬長陵高祖陵在西呂后陵在東

鄧禹遣兵擊之於郁夷

地理志郁

夷縣屬右扶風

反為所敗

敗補萬翻

禹乃出之雲陽

地理志雲陽縣屬左馮翊

赤眉

復入長安延岑屯杜陵

賢曰縣名屬京兆周之杜伯國在今萬年縣東南

赤眉將

逢安擊之鄧禹以安精兵在外引兵襲長安會謝祿

救至禹兵敗走延岑擊逢安大破之

逢音龐

死者十餘

萬人廖湛將赤眉十八萬攻漢中王嘉嘉與戰於谷

口

地理志谷口縣屬馮翊賢曰故城在今醴泉縣東北四十里水經註曰涇水東經九峻山東中山西謂之谷口杜佑曰谷口今雲陽

縣洛谷是宋白曰當涇水所出之處故謂之谷口廖力弔翻又力救翻

大破之嘉手殺湛遂到

雲陽就穀嘉妻兄新野來歙帝之姑子也帝令鄧禹

招嘉嘉因歙詣禹降

歙許及翻

李寶倨慢禹斬之

考異曰更始柱功

侯李寶時為劉嘉相此蓋別一人同姓名未漢中王嘉即以更始柱功侯李寶為相禹誅之非別一人也

余參考范書究其本

冬十一月以廷尉岑彭為征南大將軍帝於大會中

指王常謂羣臣曰此家率下江諸將輔翼漢室心如

金石真忠臣也

此家猶言此人也

即日拜常為漢忠將軍使與

岑彭率建義大將軍朱祐等七將軍討鄧奉董訢彭等先擊堵鄉

堵音者

鄧奉救之朱祐軍敗為奉所獲

銅馬青犢尤來餘賊共立孫登為天子登將樂玄殺

登以其眾五萬餘人降 鄧禹自馮愔叛後威名稍

損又乏糧食戰數不利

數所角翻

歸附者日益離散赤眉

延岑暴亂三輔郡縣大姓各擁兵眾禹不能定帝乃

遣偏將軍馮異代禹討之車駕送至河南

地理志河南縣屬河南郡

故邠鄆地周武王遷九鼎周公營以為都是為王城雒陽周公遷殷民是為成周晉地道記河南城去雒城四十里宋白曰河南縣周平

王徙居於此至敬王乃徙居成周漢為河南縣歷魏晉及後魏皆理於唐苑城東北隅 敕異曰三輔遭王

莽更始之亂重以赤眉延岑之醜

重直用翻

元元塗炭

賢曰塗炭

者若陷泥墜火喻窮困之極也 無所依訴將軍今奉辭討諸不軌營保

降者遣其渠帥詣京師

帥所類翻

散其小民令就農桑壞

其營壁無使復聚

壞音怪復扶又翻

征伐非必略地屠城要在

平定安集之耳諸將非不健鬪然好虜掠好呼到翻卿本

能御吏士念自修敕無為郡縣所苦異頓首受命引

而西所至布威信羣盜多降 臣光曰昔周人頌武

王之德曰鋪時繹思我徂惟求定周頌賚之詩也鋪布也繹陳也徂往也求定謂

安天下也言王者之兵志在布陳威德安民而已觀光武

之所以取關中用是道也豈不美哉 又詔徵鄧禹

還曰慎毋與窮寇爭鋒窮寇者言其執已窮執必致死也兵法曰窮寇勿追赤眉無

穀自當來東吾以飽待饑以逸待勞孫武子之言也折箠笞

之箠杖也折杖笞之言易也非諸將憂也無得復妄進兵復扶又翻下同帝以

伏隆為光祿大夫復使於張步使疏吏翻拜步東萊太守

并與新除青州牧守都尉俱東詔隆輒拜令長以下

令力政翻長知兩翻十二月戊午詔宗室列侯為王莽所絕者

皆復故國王莽始建國二年免漢宗室列侯為民事見二十七卷復如字三輔大饑人相

食城郭皆空白骨蔽野遺民往往聚爲營保各堅壁
清野赤眉虜掠無所得乃引而東歸衆尚二十餘萬
隨道復散復扶又翻帝遣破姦將軍侯進等屯新安建威
大將軍耿弇等屯宜陽以要其還路地理志新安宜陽二縣皆屬弘農郡要與
同邀敕諸將曰賊若東走可引宜陽兵會新安賊若南
走可引新安兵會宜陽馮異與赤眉遇於華陰華戶化翻
相拒六十餘日戰數十合降其將卒五千餘人

資治通鑑卷第四十

資治通鑑卷第四十
 言王澤之衰志在布陳威德安民而已
 之所以取禍中用是道也豈不美哉
 又詔徵鄧禹
 時賊六十餘日熾熾士合剽其謀卒五千餘人
 去西河後安共會宜期與赤賊擊之華劉
 劉妹薛珠曰熾苦寒去西河宜期與會薛安熾善南
 大將軍烟食等安宜期以嬰其腹額
 劉宜期熾擊期帝登殿熾軍劫登善安熾安熾
 善禮赤眉翼射無復餘氏臣而東魏救尚二十餘萬
 食林得皆空白骨麵稷數月廿廿粟穀醫計各望盡

資治通鑑卷第四十一

翰林學士兼侍讀學士朝散大夫右諫議大夫知制誥判尚書都省兼提舉萬壽觀公事上護軍河內郡開國侯食邑二千三百戶賜紫金魚袋臣司馬光奉勅編集

後學天台胡三省音註

漢紀三十三

起強圉大淵獻盡屠維赤奮若凡二年

世祖光武皇帝上之下

建武三年春正月甲子以馮異為征西大將軍

晉書職官

志曰四征起於漢代謂此鄧禹慙於受任無功數以飢卒徼赤眉戰

輒不利數所角翻徼一遙翻乃率車騎將軍鄧弘等自河北度至

湖地理志河北縣屬河東郡湖縣屬京北賢曰湖縣故城在今號州湖城縣西南要馮異共攻赤眉

要一遙翻下同異曰異與賊相拒數十日雖虜獲雄將餘衆

資治通鑑四十一 漢紀 世祖光武皇帝 一 中華書局聚

尚多可稍以恩信傾誘難卒用兵破也卒讀曰猝下猝起同上今

使諸將屯澠池要其東澠彌充翻而異擊其西一舉取之

此萬成計也十事九成猶有一不中萬事萬成言算無遺計也要一遙翻禹弘不從弘遂

大戰移日言日景移也赤眉陽敗棄輜重走重直用翻車皆載土

以豆覆其上覆敷救翻兵士飢爭取之赤眉引還擊弘弘

軍潰亂異與禹合兵救之赤眉小卻異以士卒飢倦

可且休禹不聽復戰大為所敗復扶又翻敗補邁翻死傷者三千

餘人禹以二十四騎脫歸宜陽異棄馬奔走上回谿

阪杜佑通典曰回谿在河南永寧縣東北俗名回坑長四里闊二丈深二丈五尺自漢以前道皆由此酈道元云曹公西討惡南路之

險更開北道與麾下數人歸營收其散卒復堅壁自守復扶又翻

辛巳立四親廟於雒陽祀父南頓君以上至春陵

節侯禮天子立親廟四今依以立春陵節侯鬱林太守鉅鹿都尉南頓令廟壬午大赦

月乙巳鄧禹上大司徒梁侯印綬上時掌翻下同詔還梁侯

印綬以爲右將軍 馮異與赤眉約期會戰使壯士

變服與赤眉同伏於道側旦日赤眉使萬人攻異前

部異少出兵以救之所以示賊見執弱遂悉衆攻異

異乃縱兵大戰日昃賊氣衰伏兵卒起衣服相亂赤

眉不復識別卒讀曰猝復扶衆遂驚潰追擊大破之於

嶠底嶠谷之底也賢曰卽嶠阪帝降璽

書勞異曰勞力到翻始雖垂翅回谿終能奮翼灑池可謂

失之東隅收之桑榆賢曰淮南子曰至於衡陽是謂隅中又前

今已過期尚在桑榆間桑榆謂晚也余按方論功賞以答大勳

赤眉餘衆東向宜陽甲辰帝親勒六軍嚴陳以待之

陳讀赤眉忽遇大軍驚震不知所謂乃遣劉恭乞降

曰盆子將百萬衆降陛下何以待之帝曰待汝以不

死耳丙午盆子及丞相徐宣以下三十餘人肉袒降

上所得傳國璽綬璽斯氏翻綬音受積兵甲宜陽城西與熊耳

山齊賢曰宜陽縣故城韓國城也在今洛州福昌縣東水經註曰洛水之北有熊耳山雙巒競舉狀同熊耳在宜陽西宋白曰宜陽

故城在福昌縣東十三里赤眉衆尚十餘萬人帝令縣廚皆賜食宜陽

縣廚也明旦大陳兵馬臨雒水帝改洛為雒令盆子君臣列而

觀之帝謂樊崇等曰得無悔降乎朕今遣卿歸營勒

兵鳴鼓相攻決其勝負不欲彊相服也彊其兩翻徐宣等

叩頭曰臣等出長安東都門君臣計議歸命聖德百

姓可與樂成難與圖始樂音洛故不告衆耳今日得降

猶去虎口歸慈母誠歡誠喜無所恨也帝曰卿所謂

鐵中錚錚傭中佼佼者也賢曰說文曰錚錚金也鐵之錚言微有剛利也錚初耕翻佼佼古巧翻

詩佼佼人僚兮今相傳胡巧翻言佼佼者凡庸之人稍為勝也戊申還自宜陽帝令樊崇等

各與妻子居雒陽賜之田宅其後樊崇逢安反誅楊

音徐宣卒於鄉里帝憐盆子以為趙王郎中趙王良帝叔父也

益子為其國郎中後病失明賜滎陽均輸官地使食其稅終身

賢曰均輸官名屬司農桓寬鹽鐵論云郡國諸侯各以其方物貢輸往來物多苦惡不償其費故郡國置均輸官以相紹運故曰均輸

劉恭為更始報仇殺謝祿祿殺更始事見上自繫獄帝

赦不誅二月劉永立董憲為海西王賢曰海西縣屬琅邪郡永聞

伏隆至劇地理志劇縣屬北海郡春秋紀國之地杜佑曰漢劇縣故城在壽光縣南亦遣使立張

步為齊王步貪王爵猶豫未決隆曉譬曰高祖與天

下約非劉氏不王今可得為十萬戶侯耳步欲留隆

與共守二州二州青州徐州也隆不聽求得反命步遂執隆而

受永封隆遣間使上書曰間古莧翻臣隆奉使無狀賢曰

言罪大也受執凶逆雖在困阨授命不顧又吏民知步反

畔心不附之願以時進兵無以臣隆為念臣隆得生

到闕廷受誅有司此其大願若令沒身寇手以父母

昆弟長累陛下賢曰累托也陛下與皇后太子永享萬

國與天無極帝得隆奏召其父湛流涕示之曰恨不

且許而遽求還也其後步遂殺之帝方北憂漁陽南

事梁楚故張步得專集齊地據郡十二焉步據城陽琅邪高密膠東

東萊北海齊千乘濟南平原泰山菑川十二郡帝幸懷 吳漢率耿弇蓋延擊

青犢於軹西大破降之賢曰軹縣屬河內郡故城在今洛州濟源縣東南蓋古蓋翻 三

月壬寅以司直伏湛為大司徒 涿郡太守張豐反

郡國志涿郡在雒陽東北千八百里 自稱無上大將軍與彭寵連兵朱浮

以帝不自征彭寵上疏求救詔報曰往年赤眉跋扈

長安賢曰跋扈猶言暴橫也 吾策其無穀必東果來歸附今度此

反虜度徒洛翻 執無久全其中必有內相斬者今軍資未

充故須後麥耳須待也 浮城中糧盡人相食會耿況遣

騎來救浮乃得脫身走薊城遂降於彭寵考異曰朱浮傳尚書令

侯霸奏浮敗亂幽州構成寵罪徒勞軍師不能死節罪當伏誅按霸明年乃為尚書令蓋追劾之 寵自稱燕王

攻拔右北平上谷數縣賂遺匈奴遺于季翻借兵為助又

南結張步及富平獲索諸賊皆與交通帝自將征

鄧奉至堵陽堵陽縣屬南陽郡杜佑曰唐州方城縣漢堵陽縣應劭曰堵陽景帝改為順陽二說不同奉逃

歸清陽董訢降訢音欣降下江翻下同夏四月帝追奉至小長安

與戰大破之奉肉袒因朱祐降去年奉禽祐今因祐而降帝憐奉舊

功臣奉鄧晨之兄子也且釁起吳漢事見上卷上年欲全宥之岑彭耿

弇諫曰鄧奉背恩反逆背蒲妹翻暴師經年陛下既至不

知悔善而親在行陳陳讀日陣兵敗乃降若不誅奉無以

懲惡於是斬之復朱祐位延岑既破赤眉即拜置

牧守欲據關中時關中眾寇猶盛岑據藍田王歆據

下邳賢曰秦武公伐邳戎置以隴西有上邳故此云下芳丹據新豐芳姓也風俗通有漢幽州刺史

乘芳蔣震據霸陵張邛據長安公孫守據長陵楊周據

谷口呂鮪據陳倉角闕據汧角姓也漢有角善叔汧苦堅翻駱延據墊

屋盪屋音舟室姓譜齊太公之後有公子駱子孫以為氏史記秦之先有大駱任良據鄠鄠音汝章

據槐里汝姓也商有汝鳩汝方春秋晉有汝齊汝寬各稱將軍擁兵多者萬餘

人少者數千人轉相攻擊馮異且戰且行屯軍上林

苑中異自蟾谷之勝引兵而西且戰且行進屯上林苑中延岑引張邛任良共擊異

異擊大破之諸營保附岑者皆來降保與堡同岑遂自武

關走南陽走音時百姓饑餓黃金一斤易豆五升道

路斷隔委輸不至委於偽翻輸春遇翻馮異軍士悉以果實為糧

詔拜南陽趙匡為右扶風將兵助異并送縑縠異兵

穀漸盛乃稍誅擊豪傑不從令者褒賞降附有功勞

者悉遣諸營渠帥詣京師帥所類翻散其眾歸本業威行

關中唯呂鮪張邛蔣震遣使降蜀鮪于軌翻邛下甘翻其餘悉平

吳漢率驃騎大將軍杜茂等七將軍圍蘇茂於廣

樂周建招集得十餘萬人救之周建劉永將也漢迎與之戰

不利墮馬傷鄰還營鄰與滕同建等遂連兵入城諸將謂

漢曰大敵在前而公傷臥衆心懼矣三軍之氣以將爲主故云然漢

乃勃然裹創而起創初良翻椎牛饗士慰勉之士氣自倍

日蘇茂周建出兵圍漢漢奮擊大破之茂走還湖

陵睢陽人反城迎劉永蓋延率諸將圍之反音幡蓋古盍翻吳

漢留杜茂陳俊守廣樂自將兵助延圍睢陽睢音雖車

駕自小長安引還令岑彭率傅俊臧宮劉宏等三萬

餘人南擊秦豐五月己酉車駕還宮乙卯晦日有

食之六月壬戌大赦延岑攻南陽得數城建威

大將軍耿弇與戰於穰地理志穰縣屬南陽郡大破之岑與數騎

走東陽與秦豐合豐以女妻之走音奏妻七細翻建義大將軍

朱祐率祭遵等與岑戰於東陽破之賢曰東陽聚名也故城在今鄧州南臨淮

郡復有東陽縣非此地也余據郡國志南陽清陽縣有東陽聚岑走歸秦豐祐遂南與岑彭

等軍合延岑護軍鄧仲况擁兵據陰縣

賢曰陰縣屬南陽郡故城在今

襄州穀城縣界北水經註沔水南逕穀城東又南過陰縣西宋白曰今光化軍本陰縣地

而劉歆孫龔為其

謀主前侍中扶風蘇竟以書說之

前此帝嘗用竟為侍中說輸芮翻

仲

况與龔降竟終不伐其功隱身樂道壽終於家

樂音洛

秦豐拒岑彭於鄧

地理志鄧縣屬南陽郡春秋之鄧國也

秋七月彭擊破之

進圍豐於黎丘別遣積弩將軍傅俊將兵徇江東揚

州悉定蓋延圍睢陽百日劉永蘇茂周建突出將走

鄧

此沛郡之鄧縣也賢曰今亳州縣音在何翻

延追擊之急永將慶吾斬永首

降

姓譜齊大夫慶氏之後

蘇茂周建犇垂惠

郡國志沛郡山桑縣有垂惠聚賢曰在今亳州山桑

縣西北一名禮城杜佑通典曰垂惠聚在亳州蒙城縣西北

共立永子紆為梁王佼彊犇

保西防

佼古巧翻又音効

冬十月壬申上幸春陵祠園廟

春陵節侯

以下四世園廟也

耿弇從容言於帝

從千容翻

自請北收上谷兵

未發者定彭寵於漁陽取張豐於涿郡還收富平獲

索東攻張步以平齊地帝壯其意許之十一月乙未

帝還自舂陵是歲李憲稱帝置百官擁九城衆十

餘萬廬江十二城憲所得者九城耳帝謂太中大夫來歙曰姓譜郝子姓商之支

孫食采於郝因以為氏後避難去邑漢功臣表有歙侯來蒼歙許及翻今西州未附西州謂隗囂也子陽

稱帝子陽公孫述字道里阻遠諸將方務關東思西州方略

未知所在歙曰臣嘗與隗囂相遇長安其人始起以

漢為名事見三十九卷更始元年臣願得奉威命開以丹青之信子楊炳若丹青

囂必束手自歸則述自亡之執不足圖也

帝然之始令歙使於囂使疏吏翻下同囂既有功於漢又受

鄧禹爵署事見上卷元年其腹心議者多勸通使京師囂乃

奉奏詣闕帝報以殊禮言稱字用敵國之儀所以慰

藉之甚厚賢曰慰安也藉薦也言安慰而薦藉之也

四年正月甲申大赦二月壬子上行幸懷壬申還

雒陽 延岑復寇順陽

郡國志順陽縣屬南陽郡順水東南入蔡括地志順陽故城在鄧州穰縣

西二十里楚之郟邑也復扶又翻下同遣鄧禹將兵擊破之岑犇漢中公孫

述以岑為大司馬封汝甯王 田戎聞秦豐破恐懼

欲降 降戶江翻下同 其妻兄辛臣圖彭寵張步董憲公孫述

等所得郡國以示戎曰雒陽地如掌耳 如掌喻其狹也 不如

且按甲以觀其變戎曰以秦王之疆猶為征南所圍

吾降決矣 岑彭時為征南大將軍故戎云然 乃留辛臣使守夷陵自將

兵沿江泝沔上黎丘 自夷陵沿江而下至沔口自沔口泝沔而上可至黎丘也上時掌翻 辛臣

於後盜戎珍寶從間道先降於岑彭 間古莫翻 而以書招

戎曰宜以時降無拘前計戎疑臣賣己灼龜卜降兆

中坼 周禮董氏凡卜以明火蒸爇吹其燄契以授卜師鄭玄曰爇燄用荆蕪之類兆者灼龜發於火其形可占者蕪時龜翻爇燄約

又于寸翻 遂復反與秦豐合岑彭擊破之戎亡歸夷陵

夏四月丁巳上行幸鄴己巳幸臨平

賢曰縣名屬鉅鹿郡故城在今

定州鼓城縣東南遣吳漢陳俊王梁擊破五校於臨平鬲縣五

姓共逐守長據城而反賢曰鬲縣屬平原郡故城在今德州西北五姓蓋當土強宗豪右鬲音革

余謂守長者守鬲縣長非正官也長知兩翻下同諸將爭欲攻之吳漢曰使鬲反

者守長罪也敢輕冒進兵者斬乃移檄告郡使收守

長而使人謝城中五姓大喜即相率降諸將乃服曰

不戰而下城非衆所及也五月上幸元氏辛巳幸

盧奴將親征彭寵伏湛諫曰今兗豫青冀中國之都

而寇賊從橫未及從化從子容翻漁陽邊外荒耗邊外者邊於外夷也

豈足先圖陛下捨近務遠棄易求難易以歧翻誠臣之所

惑也上乃還帝遣建議大將軍朱祐建威大將軍

耿弇征虜將軍祭遵祭側界翻驍騎將軍劉喜討張豐於

涿郡祭遵先至急攻豐禽之初豐好方術有道士言

豐當為天子西都有方士東都因稱爲道士好呼到翻以五綵囊裹石繫豐肘

云石中有玉璽豐信之遂反既執當斬猶曰肘石有

玉璽傍人為椎破之為于偽豐乃知被詐仰天嘆曰

當死無恨上詔耿弇進擊彭寵弇以父況與寵同功

況與寵同有助漢之功事見上卷二十九卷更始二年又兄弟無在京師者不敢獨

進求詣雒陽詔報曰將軍舉宗為國功效尤著何嫌

何疑而欲求徵況聞之更遣弇弟國入侍時祭遵屯

良鄉劉喜屯陽鄉賢曰良鄉陽鄉皆縣名並屬涿郡陽鄉故城在今幽州故安縣西北宋白曰良鄉在燕為

中都漢為良鄉縣彭寵引匈奴兵欲擊之耿況使其子舒襲破

匈奴兵斬兩王寵乃退走六月辛亥車駕還宮

秋七月丁亥上幸譙考異曰袁紀六月幸譙今從范書遣捕虜將軍馬

武騎都尉王霸圍劉紆周建於垂惠董憲將賁休

以蘭陵降賢曰前書賁赫音肥今姓作賁音奔蘭陵縣屬東海郡故城在今沂州丞縣東憲聞之自

郊圍之賢曰郟縣屬東海郡故城在今泗州下邳縣東北郟音談蓋延及平狄將軍山

陽龐萌在楚楚彭城也請往救之帝敕曰可直往擣郟賢曰

擣擊也余謂擣擣虛也此兵法所謂攻其必救也則蘭陵自解延等以賁休城危

遂先赴之憲逆戰而陽敗退延等因拔圍入城明日

憲大出兵合圍延等懼遽出突走因往攻郟帝讓之

曰間欲先赴郟者以其不意故耳今既犇走賊計已

立圍豈可解乎延等至郟果不能克而董憲遂拔蘭

陵殺賁休 八月戊午上幸壽春地理志壽春縣屬九江郡賢曰今壽州縣遣

揚武將軍南陽馬成率誅虜將軍南陽劉隆等三將

軍發會稽丹陽九江六安四郡兵擊李憲九月圍憲

於舒地理志廬江郡治舒縣賢曰故城在今廬州廬江縣西會古外翻王莽末天下亂臨淮

大尹河南侯霸獨能保全其郡郡國志臨淮郡在維陽東千四百里帝徵

霸會壽春拜尚書令時朝廷無故典又少舊臣少詩沼翻

霸明習故事收錄遺文條奏前世善政灑度施行之

冬十月甲寅車駕還宮 隗囂使馬援往觀公孫

述援素與述同里閭相善援與述皆茂陵人說文曰閭閭也侯旰翻以為既至

當握手歡如平生而述盛陳陞衛以延援入交拜禮

畢使出就館更為援制都布單衣何承天纂文曰都致錯履無極皆布名方言曰

禪衣江淮南楚之間謂之襍關之東西謂之禪衣為于偽翻交讓冠會百官於宗廟中立

舊交之位述鸞旗旄騎鸞旗註見十三卷文帝元年旄騎旄頭騎也秦穆公伐南山大梓有一青

牛出走入豐水中其後牛出豐水中使騎擊之不勝有騎墮地復上髮解牛畏之入不出故置旄頭騎以前驅警蹕就車

磬折而入賢曰磬折屈身如磬之曲折敬也孔穎達曰磬折者屈身如磬之折殺案考工記云磬氏為磬倨句一矩有半

鄭云必先度一矩為句一矩為股而求其弦既以一矩有半觸其弦則磬之倨句也是磬之折殺其形必曲入之倚式亦當然也禮

響官屬甚盛欲授援以封侯大將軍位賓客皆樂留

樂音洛援曉之曰天下雄雌未定公孫不吐哺走迎國

士周公一飯三吐哺以下天下之士與圖成敗反修飾邊幅賢曰言若布帛修整其邊幅也

如偶人形此子何足久稽天下士乎稽留也因辭歸謂

囂曰子陽井底蛙耳言志識褊狹如坎井之蛙而妄自尊大不如專

意東方東方謂維陽也囂乃使援奉書雒陽援初到良久中

黃門引入中黃門宦者也屬少府帝在宣德殿南廡下廡音武堂下周屋也但

憤坐迎笑董巴曰古者有冠無憤其戴也加首有頰所以安物詩曰有頰者弁謂此也秦加武將首飾為絳袖其後稍稍

作顏題漢興續其顏却擢之施巾連題却覆之今喪憤是其制也名之曰憤憤者頭首嚴蹟也至孝文乃高顏題續之為耳崇其中為屋

合後施收貴賤皆服之蔡邕曰憤古者卑賤執事不冠者之所服元帝頰有壯髮不欲使人見始進憤服之謂援曰卿

遨遊二帝間今見卿使人大慙援頓首辭謝因曰當

今之世非但君擇臣臣亦擇君矣臣與公孫述同縣

少相善少詩照翻臣前至蜀述陞戟而後進臣陞戟謂衛者持戟依陞也

臣今遠來陛下何知非刺客姦人而簡易若是帝復

笑曰卿非刺客顧說客耳說去聲援曰天下反覆盜名

字者不可勝數盜名字謂僭竊位號稱帝稱王也易以歧翻復扶又翻說輸芮翻勝音升今見陛

下恢廓大度同符高祖乃知帝王自有真也太傅

卓茂薨 十一月丙申上行幸宛 宛於元翻 岑彭攻秦豐

三歲斬首九萬餘級豐餘兵裁千人食且盡十二月

丙寅帝幸黎丘遣使招豐豐不肯降 降戶江翻下同 乃使朱

祐等代岑彭圍黎丘使岑彭傅俊南擊田戎 公孫

述聚兵數十萬人積糧漢中又造十層樓船多刻天

下牧守印章 又守式翻 遣將軍李育程烏將數萬眾出屯

陳倉就呂鮪將徇三輔馮異迎擊大破之育烏俱犇

漢中 考異曰公孫述傳使李育程烏與呂鮪徇三輔二年馮異擊

之馮異傳亦在今年蓋述傳誤以四年為三年焉作烏耳 異還擊破呂鮪營保降者甚

眾是時隗囂遣兵佐異有功遣使上狀帝報以手書

曰慕樂德義思相結納 樂音洛 昔文王三分猶服事殷

孔子曰三分天下有其二以服事殷周之德可謂至德也已矣 但駑馬鈇刀不可強扶 賢曰周禮

校人掌六馬駑馬最下者也說文鈇青金也似錫而色青言駑馬鈇刀不可強扶而用也強其兩翻 數蒙伯樂一

顧之價

戰國策蘇代謂潘于髡曰人有賣駿馬者比三日立於市市人莫與言顧子還而視之去而顧之臣請獻一朝之價伯樂如其言一日而價十倍也數所角翻樂音洛將軍南拒

公孫之兵北御羌胡之亂

御讀曰禦

是以馮異西征得以

數千百人躑躅三輔

賢曰躑躅猶踟躕也毛晃曰躑躅跳也躑直炙翻躅直錄翻

微將軍

之助則咸陽已為他人禽矣如令子陽到漢中三輔

願因將軍兵馬鼓旗相當儻肯如言即智士計功割

地之秋也

賢曰秋一歲中功成之時故舉以為言

管仲曰生我者父母成我

者鮑子

賢曰事見史記

自今以後手書相聞勿用傍人間構

之言

間古竟翻下同

其後公孫述數遣將間出囂輒與馮異

合勢共摧挫之述遣使以大司空扶安王印綬授囂

扶安謂相扶助而安也

囂斬其使出兵擊之以故蜀兵不復北出

扶復又翻

泰山豪傑多與張步連兵吳漢薦強弩大將

軍陳俊為泰山太守擊破步兵遂定泰山

郡國志泰山郡在雒陽東

千四
百里

五年春正月癸巳車駕還宮 帝使來歙持節送馬

援歸隴右

考異曰袁紀曰援與拒蜀侯國遊先俱奉使遊先至長安為仇家所殺其弟為囂雲旗將軍來歙恐其怨恨

與援俱還長安按囂使被殺者周遊也不在此時

隗囂與援共臥起問以東方事

曰前到朝廷上引見數十

東觀記曰凡十四見

每接燕語自夕至

旦才明勇略非人敵也且開心見誠無所隱伏闊達

多大節略與高帝同經學博覽政事文辨前世無比

囂曰卿謂何如高帝援曰不如也高帝無可無不可

賢曰此論語孔子自言己之所行也

今上好吏事

好呼到翻

動如節度又不喜飲

酒

喜許記翻

囂意不懌曰如卿言反復勝邪

復扶又翻

二月丙

午大赦

蘇茂將五校兵救周建於垂惠

校戶教翻

馬武

為茂建所敗犇過王霸營大呼求救

敗蒲蕩翻呼火故翻

霸曰賊

兵盛出必兩敗努力而已乃閉營堅壁軍吏皆爭之

霸曰茂兵精銳其衆又多吾吏士心恐而捕虜與吾

相恃馬武為捕虜將軍兩軍不一此敗道也今閉營固守示不

相援賊必乘勝輕進捕虜無救其戰自倍一人各致死則一人倍二人

於如此茂衆疲勞吾承其敝乃可克也茂建果悉出

攻武悉兵而出攻也合戰良久霸軍中壯士數十人斷髮請

戰斷丁管翻霸乃開營後出精騎襲其背茂建前後受敵

驚亂敗走霸武各歸營茂建復聚兵挑戰復扶又翻挑徒了翻下同

霸堅臥不出方饗士作倡樂倡音昌茂兩射營中射矢如雨也射

而亦中霸前酒樽中竹仲翻霸安坐不動軍吏皆曰茂前日

已破今易擊也易以鼓翻霸曰不然蘇茂客兵遠來糧食

不足故數挑戰以徼一時之勝數所角翻徼堅堯翻又一遙翻今閉營

休士所謂不戰而屈人兵者也孫子曰百戰百勝非善之善者也不戰而屈人兵善

之善者也霸蓋引其言茂建既不得戰乃引還營其夜周建兄子

誦反閉城拒之建於道死茂犇下邳地理志下邳縣屬東海郡與董

憲合劉紆犇佼疆 乙丑上行幸魏郡 彭寵妻數

為惡夢數所角翻又多見怪變卜筮望氣者皆言兵當從

中起寵以子后蘭卿質漢歸不信之子后蘭卿歸見上卷二年質音致

使將兵居外無親於中寵齋在便室賢曰便坐之室非正室也蒼頭

子密等三人賢曰秦呼民為黔首謂奴為蒼頭者以別於良人也因寵臥寐共縛著

牀著直略翻告外吏云大王齋禁皆使吏休偽稱寵命收

縛奴婢各置一處又以寵命呼其妻妻入驚曰奴反

奴乃捽其頭擊其頰捽昨沒翻寵急呼曰趣為諸將軍辦

裝趣讀為促賢曰呼奴為將軍者欲其赦己也呼火故翻為于偽翻於是兩奴將妻入取寶

物留一奴守寵謂守奴曰若小兒吾素所愛也今

為子密所迫劫耳解我縛當以女珠妻汝妻七細翻家中

財物皆以與若若亦汝也小奴意欲解之視戶外見子密

聽其語遂不敢解於是收金玉衣物至寵所裝之被

馬六匹被皮義翻加馬以鞍勒曰被馬使妻縫兩縑囊昏夜後解寵手

令作記告城門將軍云今遣子密等至子后蘭卿所

勿稽留之書成斬寵及妻頭置囊中便持記馳出城

因以詣闕明日閣門不開官屬踰墻而入見寵尸驚

怖怖普布翻其尚書韓立等共立寵子午為王國師韓利

斬午首詣祭遵降國師以寵所署置也蓋遵王莽之制夷其宗族帝封子

密為不義侯 權德輿議曰伯通之叛命伯通彭寵字也子

密之戕君同歸于亂罪不相蔽宜各致於灋昭示王

度王度猶言王灋也反乃爵於五等又以不義為名且舉以不

義莫可侯也此而可侯漢爵為不足勸矣春秋書齊

豹盜三叛人名之義衛司寇齊豹以私怨殺衛侯之兄孟縶春秋書之曰盜三叛人名謂襄二十一年邾

庶其以漆閭上來奔昭五年莒牟夷以牟婁及防無乃異於是

茲來奔哀十四年小邾射以句繹來奔句音鉤

乎 帝以扶風郭伋為漁陽太守 郡國志漁陽郡在維陽東北二千里 伋

承離亂之後養民訓兵開示威信盜賊銷散匈奴遠

迹在職五年戶口增倍 帝使光祿大夫樊宏持節

迎耿況於上谷 郡國志上谷郡在維陽東北二千里 曰邊郡寒苦不足久

居況至京師賜甲第奉朝請封牟平侯 地理志牟平縣屬東萊郡唐宋

屬登州宋白曰牟平縣以在牟山之陽其地平坦故曰牟平漢牟平故城在今黃縣東百三十里朝直遙翻請音才性翻又如字 吳

漢率耿弇王常擊富平獲索賊於平原 郡國志平原郡在維陽北一千

三百里 大破之追討餘黨至勃海 郡國志勃海郡在維陽北一千 降者

四萬餘人上因詔弇進討張步 平敵將軍龐萌為

人遜順 前作平狄將軍 帝信愛之常稱曰可以託六尺之孤

寄百里之命者 論語孔子之言呂與叔曰託六尺之孤謂輔幼主寄百里之命謂為諸侯 龐萌是

也使與蓋延共擊董憲時詔書獨下延而不及萌 下

豫 翻萌以為延譖己自疑遂反襲延軍破之 考異曰東觀記漢書皆

云萌攻延延與戰破之詔書勞延曰龐萌一夜反畔相去不遠營壁不堅殆令人齒欲相擊而將軍有不可動之節吾甚美之延傳言僅而得免與彼不同今從延傳

與董憲連和自號東平王屯桃鄉之北

將書曰吾嘗以龐萌為社稷之臣將軍得無笑其言

乎老賊當族其各厲兵馬會睢陽睢陽梁國都郡國志在雒陽東南八百五十里

龐萌攻破彭城將殺楚郡太守孫萌郡國志楚郡在雒陽東千二百二十里

郡吏劉平伏太守身上號泣請代其

死身被七創號戶刀翻下同被皮義翻創初良翻龐萌義而捨之太守已

絕復蘇孔穎達曰更息曰蘇言氣絕而更息也渴求飲平傾創血以飲之

岑彭攻拔夷陵田戎亡入蜀盡獲其妻子士眾數萬

人公孫述以戎為翼江王岑彭謀伐蜀以夾川穀少

水險難漕留威虜將軍馮駿軍江州都

尉田鴻軍夷陵領軍李玄軍夷道地理志夷道縣屬南郡自引兵

資治通鑑四十一漢紀世祖光武皇帝十三中華書局聚

還屯津鄉郡國志南郡江陵縣有津鄉賢日所謂江津也當荊州要會喻告諸蠻

夷降者奏封其君長 夏四月旱蝗 隗囂問於班

彪曰往者周亡戰國並爭數世然後定意者從橫之

事將復起於今乎從子容翻復扶又翻將承運送興在於一人也

彪曰周之廢興與漢殊異昔周爵五等諸侯從政古師

日言諸侯之國各自為政本根既微枝葉彊大本根謂王室枝葉謂諸侯故其末流

有從橫之事執數然也漢承秦制改立郡縣主有專

己之威臣無百年之柄至於成帝假借外家師古曰假音工暇翻

又工雅翻哀平短祚國嗣三絕故王氏擅朝能竊號位危

自上起傷不及下賢曰成帝威權借於外家是危自上起也漢不得罪於百姓是傷不及下也朝直遙翻

是以即真之後天下莫不引領而數十餘年間中外

騷擾遠近俱發假號雲合咸稱劉氏不謀同辭方今

雄桀帶州域者皆無六國世業之資而百姓謳吟思

仰漢必復興已可知矣囂曰生言周漢之執可也至

於但見愚人習識劉氏姓號之故而謂漢復興疎矣

昔秦失其鹿劉季逐而倚之師古曰倚偏持其足也居蟻翻時民復知

漢乎彪乃為之著王命論以風切之為于偽翻風讀曰諷曰昔堯

之禪舜曰天之歷數在爾躬舜亦以命禹論語所載洎于

稷契咸佐唐虞至湯武而有天下洎其冀翻契息列翻劉氏承堯

之祚堯據火德而漢紹之有赤帝子之符事見七卷秦二世元年

故為鬼神所福饗天下所歸往由是言之未見運世

無本功德不紀師古曰不紀言不為人所記而得屈起在此位者也

屈起特起也屈求勿翻俗見高祖興於布衣不達其故至比天下

於逐鹿幸捷而得之不知神器有命不可以智力求

也劉德曰神器璽也李奇曰帝王賞罰之柄也師古曰李說是也冲馮曰神器聖人之大寶曰位是也悲夫此世

所以多亂臣賊子者也夫餓饑流隸師古曰隸賤隸飢寒道

路所願不過一金然終轉死溝壑何則貧窮亦有命

也況乎天子之貴四海之富神明之祚可得而妄處

哉處昌呂翻故雖遭罹阨會竊其權柄勇如信布疆如梁

籍謂項梁項籍也成如王莽然卒潤鑊伏質師古曰質鑊也伏於鑊上而斬之也卒子恤翻

亨醢分裂亨與烹同又況么麼尚不及數子師古曰么麼皆微小之稱也么音一

家世貧賤卒富貴不祥止嬰勿王卒讀曰粹事見八卷秦二世二年王

陵之母知漢王必得天下伏劍而死以固勉陵事見九卷

高祖元年夫以匹婦之明猶能推事理之致探禍福之機

而全宗祀於無窮垂策書於春秋師古曰凡言匹夫匹婦謂凡庶之人春秋史書

記事之總稱而況大丈夫之事虛是故窮達有命吉凶由

人嬰母知廢陵母知興審此二者帝王之分決矣扶分

問翻下同加之高祖寬明而仁恕知人善任使當食吐哺

納子房之策拔足揮洗揖酈生之說舉韓信於行陳

洗息典翻行戶收陳平於亡命事並見高帝紀英雄陳力羣策畢

舉此高祖之大略所以成帝業也若乃靈瑞符應其

事甚衆故淮陰留侯謂之天授非人力也英雄誠知

覺寤超然遠覽淵然深識收陵嬰之明分絕信布之

覬覦覬音冀 覦音俞距逐鹿之誓說審神器之有授毋貪不

可冀為二母之所笑則福祚流于子孫天祿其永終

矣囂不聽彪遂避地河西竇融以為從事漢制將軍府及司隸刺史

郡守皆有從事甚禮重之彪遂為融畫策為于偽翻使之專意事漢

焉 初竇融等聞帝威德心欲東向以河西隔遠未

能自通乃從隗囂受建武正朔囂皆假其將軍印綬

囂外順人望內懷異心使辯士張玄說融等曰更始

事已成尋復亡滅說輸芮翻 復扶又翻此一姓不再興之效也今

即有所主便相係屬一旦拘制自令失柄後有危敗

雖悔無及方今豪桀競逐雌雄未決當各據土宇與

隴蜀合從從子容翻高可為六國下不失尉佗尉佗事見十二年

佗徒何翻融等召豪桀議之其中識者皆曰今皇帝姓名

見於圖書見賢遍翻自前世博物道術之士谷子雲夏賀

良等皆言漢有再受命之符谷永書見三十一卷成帝永始二年夏賀良事見三十三卷哀

帝建元二年故劉子駿改易名字冀應其占劉歆改名事見三十二卷成帝綏和

二年歆字子駿意在改名之後及莽末西門君惠謀立子駿事覺被殺

出謂觀者曰識文不誤劉秀真汝主也事見三十九卷更始元年讖楚

譌翻此皆近事暴著暴步木翻毛晃曰顯示也又如字義同衆所共見者也況

今稱帝者數人而雒陽土地最廣甲兵最強號令最

明觀符命而察人事它姓殆未能當也衆議或同或

異融遂決策東向遣長史劉鈞等奉書詣雒陽時衆推融

為大將軍先是帝亦發使遺融書以招之先悉薦翻遇鈞

於道即與俱還帝見鈞歡甚禮饗畢乃遣令還賜融

璽書曰今益州有公孫子陽天水有隗將軍方蜀漢

相攻權在將軍舉足左右便有輕重言左投則蜀重右投則漢重也以

此言之欲相厚豈有量哉欲遂立桓文輔微國當勉

卒功業欲三分鼎足連衡合從亦宜以時定開兩說以觀融去就

天下未并吾與爾絕域非相吞之國

今之議者必有任囂教尉佗制七郡之計事見十一卷高帝十一年

王者有分土

無分民分扶問翻自適己事而已因授融為涼州牧璽書

至河西河西皆驚以為天子明見萬里之外朱祐

急攻黎丘六月秦豐窮困出降轆車送雒陽吳漢劾

祐廢詔命受豐降上誅豐不罪祐董憲與劉紆蘇

故置長史

量音良卒子恤翻衡讀曰橫從子容翻

賢曰七郡蒼梧鬱林合浦交趾九真南海日南也余謂尉佗之時未置七郡光武據後來置郡言之

言左投則蜀重右投則漢重也

開兩說以觀融去就

事見十一卷高帝十一年

茂佼彊去下邳還蘭陵使茂彊助龐萌圍桃城

桃城即桃

鄉之城也賢曰在今兗州任城縣北

帝時幸蒙聞之乃留輜重

重直用翻

自將輕

兵晨夜馳赴至亢父

賢曰蒙縣名屬梁國故城在今宋州北地理志亢父縣屬東平國師古曰音抗甫

或言百官疲倦可且止宿上不聽復行十里宿任城

復扶又翻任音壬欲度亢父之險故進而宿任城

去桃城六十里旦日諸將請進

龐萌等亦勒兵挑戰

挑徒了翻

帝令諸將不得出休士養

銳以挫其鋒時吳漢等在東郡

郡國志東郡去雒陽八百里

馳使召

之萌等驚曰數百里晨夜行以為至當戰而堅坐任

城致人城下真不可往也乃悉兵攻桃城城中聞車

駕至衆心益固萌等攻二十餘日衆疲困不能下吳

漢王常蓋延王梁馬武王霸等皆至帝乃率衆軍進

救桃城親自搏戰大破之龐萌蘇茂佼彊夜走從董

憲秋七月丁丑帝幸沛進幸湖陵董憲與劉紆悉其

兵數萬人屯昌慮

地理志曰昌慮縣屬東海郡宋白曰徐州滕縣漢蕃昌慮二縣地應劭註蕃縣即小邾國又

有邾國濫城在今縣東南即漢之昌慮縣也師古曰慮音慮

憲招誘五校餘賊與之拒守

建陽

賢曰建陽縣屬東海郡故城在今沂州丞縣北丞時諡翻

帝至蕃

賢曰蕃音皮又音婆地理志蕃縣屬魯國應劭

曰小邾國也師古曰白袁二云陳蕃為魯相國人為諱改曰皮此說非也郡縣之名土俗各有別稱不必皆依本字杜佑通典蕃音反余謂

皮字乃傳寫反字之誤當從通典反音孚袁翻

去憲所百餘里諸將請進帝不聽

知五校乏食當退敕各堅壁以待其敝頃之五校果

引去帝乃親臨四面攻憲三日大破之佼彊將其衆

降

降戶江翻

蘇茂犇張步憲及龐萌走保郟八月己酉帝

幸郟留吳漢攻之車駕轉徇彭城下邳吳漢拔郟董

憲龐萌走保胸

賢曰胸縣屬東海郡今海州胸山縣西有故胸城胸音幼宋白曰胸故城在胸山縣西九十里

劉紆不知所歸其軍士高扈斬之以降吳漢進圍胸

冬十月帝幸魯

魯國本屬徐州帝改屬豫州

張步聞耿弇將至

使其大將軍費邑軍歷下

賢曰歷下城在今齊州歷城縣考異曰袁紀作濟南王費邑今從

耿弇傳

又令兵屯祝阿

地理志祝阿縣屬平原郡賢曰今齊州縣故城在今山荏縣東北天寶元年改祝阿

為禹城以縣西有禹息故城也

別於泰山鍾城列營數十以待之弇渡

河先擊祝阿自旦攻城日未中而拔之故開圍一角

令其眾得奔歸鍾城鍾城人聞祝阿已潰大恐懼遂

空壁亡去費邑分遣弟敢守巨里

郡國志濟南歷城有巨里聚賢曰一名巨合城

在今齊州全節縣東南

弇進兵先脅巨里嚴令軍中趣修攻具

趣讀

促宣敕諸部後三日當悉力攻巨里城陰緩生口令

得亡歸以弇期告邑邑至日果自將精兵三萬餘人

來救之弇喜謂諸將曰吾所以修攻具者欲誘致之

耳

誘音西

野兵不擊何以城為即分三千人守巨里自

引精兵上岡阪

爾雅曰山脊曰岡坡者曰坂上時掌翻

乘高合戰大破之臨

陳斬邑

陳讀曰陣

既而收首級以示城中城中兇懼

賢曰兇恐懼聲

音呼

費敢悉眾亡歸張步弇復收其積聚

復扶又翻積子賜翻聚才喻翻

縱兵擊諸未下者平四十餘營遂定濟南郡國志濟南郡在維陽東

八千百里濟子禮翻時張步都劇使其弟藍將精兵二萬守西安

賢曰西安縣名屬齊郡故城在今青州臨菑縣西北諸郡太守合萬餘人守臨菑臨菑縣屬

郡相去四十里奔進軍畫中賢曰畫中邑名也畫音胡麥翻故城在今西安城東南有澧水

因名焉水經注澧水東去臨菑城十八里居二城之間奔視西安城小而堅且

藍兵又精臨菑名雖大而實易攻易以乃敕諸校後

五日會攻西安校戶藍聞之晨夜警守至期夜半奔

敕諸將皆蓐食前書音義曰未起而林蓐中食也會明至臨菑城護軍

荀梁等爭之以為攻臨菑西安必救之攻西安臨菑

不能救不如攻西安奔曰不然西安聞吾欲攻之日

夜為備方自憂何暇救人臨菑出不意而至必驚擾

吾攻之一日必拔拔臨菑即西安孤與劇隔絕必復

亡去復扶又翻所謂擊一而得二者也若先攻西安不能

卒下

卒讀曰猝

頓兵堅城死傷必多縱能拔之藍引軍還

奔臨菑并兵合執觀人虛實吾深入敵地後無轉輸

旬月之間不戰而困矣遂攻臨菑半日拔之入據其

城張藍聞之懼遂將其眾亡歸劇奔乃令軍中無得

虜掠須張步至乃取之以激怒步步聞大笑曰以尤

來大彤十餘萬眾吾皆即其營而破之今大耿兵少

於彼

即就也賢曰奔況之長子故呼為大耿少詩沼翻

又皆疲勞何足懼乎乃與

三弟藍弘壽及故大彤渠帥重異等兵

賢曰重姓異名重直龍翻姓譜

南正重

號二十萬至臨菑大城東將攻奔奔上書曰

臣據臨菑深塹高壘張步從劇縣來攻疲勞飢渴欲

進誘而攻之欲去隨而擊之臣依營而戰精銳百倍

以逸待勞以實擊虛旬日之間步首可獲於是奔先

出菑水上

水經淄水出泰山萊蕪縣原山東北過臨菑縣東

與重異遇突騎欲縱

奔恐挫其鋒令步不敢進故示弱以盛其氣乃引歸

小城陳兵於內使都尉劉歆泰山太守陳俊分陳於

城下陳讀曰陣下同步氣盛直攻奔營與劉歆等合戰奔升

王宮壞臺望之賢曰臨菑本齊國所都即齊王宮中有壞臺也視歆等鋒交乃自

引精兵以橫突步陳於東城下大破之飛矢中奔股

兵出中竹仲翻以佩刀截之左右無知者至暮罷奔明日復勒

未至陳俊謂奔曰劇虜兵盛可且閉營休士以須上

來奔曰乘輿且到乘繩證翻臣子當擊牛釃酒以待百官

大戰自旦及昏復大破之殺傷無數溝塹皆滿奔知

步困將退豫置左右翼為伏以待之兩旁伏兵如鳥之舒翼人定

時步果引去昏後謂之人定時伏兵起縱擊追至鉅昧水上賢

資洽通鑑四十一漢紀世祖光武皇帝十九中華書局聚

釃山宜翻陸德明曰以筐盞酒賢曰慮也反欲以賊虜遺君父邪遺于季翻乃出兵

鉅味水名一名巨洋水在今青州壽光縣西水經註巨洋水出朱虛縣東泰山袁宏謂之鉅味王韶之以為巨蔑北過臨朐縣東又北過

臨朐縣西又東北過壽光縣西味音莫葛翻 八九十里僵尸相屬屬之欲翻收得輜

重二千餘兩重直用翻兩音亮下同風俗通車一乘為一兩箱轅及輪兩兩而偶故稱兩步還劇

兄弟各分兵散去後數日車駕至臨菑自勞軍勞力到翻

羣臣大會帝謂弇曰昔韓信破歷下以開基事見十卷高祖四年

今將軍攻祝阿以發迹此皆齊之西界功足相方而

韓信襲擊已降將軍獨拔勅敵其功又難於信也勅梁

京又田橫亨酈生及田橫降高帝詔衛尉不聽為仇翻

事見十一卷高帝五年亨與烹同張步前亦殺伏隆事見上三年若步來歸命

吾當詔大司徒釋其怨又事尤相類也將軍前在南

陽建此大策謂二年冬弇從帝幸春陵自請平齊也常以為落落難合賢曰落落

猶疏闊也有志者事竟成也帝進幸劇耿弇復追張步步

犇平壽賢曰平壽縣名屬北海郡故城在今青州北海縣復扶又翻蘇茂將萬餘人來

救之茂讓步曰以南陽兵精延岑善戰而耿弇走之

事見上三年大王柰何就攻其營既呼茂不能待邪步曰

負負無可言者賢曰負愧也再言負者愧之甚也帝遣使告步茂能相

斬降者封為列侯降戶江翻步遂斬茂詣耿弇軍門肉袒

降弇傳詣行在所傳直戀翻而勒兵入據其城平壽城也樹十

二郡旗鼓令步兵各以郡人詣旗下眾尚十餘萬輜

重七千餘兩皆罷遣歸鄉里張步三弟各自繫所在

獄詔皆赦之封步為安丘侯地理志安丘侯國屬琅邪郡又北海郡有安丘縣宋白曰密州

有安丘縣古根牟國城漢為安丘縣有渠上亭故莒渠上公所居也與妻子居雒陽於是琅邪

未平郡國志琅邪郡在雒陽東千五百里上徙陳俊為琅邪太守始入境

盜賊皆散耿弇復引兵至城陽地理志城陽國都莒賢曰城陽故城在今沂州臨沂

南降五校餘黨校戶教翻齊地悉平振旅還京師弇為將

凡所平郡四十六屠城三百未嘗挫折焉 初起太

學車駕還宮幸太學

陸機洛陽記曰太學在洛陽城故開陽門外去宮八里講堂長十丈廣二丈

稽式古典脩明禮樂煥然文物可觀矣 十一月大

司徒伏湛免以侯霸為大司徒霸聞太原閔仲叔之

名而辟之既至霸不及政事徒勞苦而已 賢曰勞其勤苦也勞音力

到仲叔恨曰始蒙嘉命且喜且懼今見明公喜懼皆

去以仲叔為不足問邪不當辟也辟而不問是失人

也遂辭出投劾而去 賢曰案罪曰劾自投其劾狀而去也投猶下也今有投辭投牒之言也劾戶槩翻

初五原人李興隨昱 姓譜隨侯之後又杜伯之玄孫為晉大夫食采於隨曰隨會 朔方

人田颯 颯音立 代郡人石鮪閔堪各起兵自稱將軍匈

奴單于遣使與興等和親欲令盧芳還漢地為帝興

等引兵至單于庭迎芳十二月與俱入塞都九原縣

賢曰九原縣名屬五原郡故城在今勝州銀城縣 掠有五原朔方雲中定襄鴈門

五郡並置守令與胡兵侵苦北邊 馮異治關中出

入三歲上林成都賢曰成都言歸附之多也史記曰一年成邑二年成都治直之翻人有上

章言異威權至重百姓歸心號為咸陽王帝以章示

異異惶懼上書陳謝詔報曰將軍之於國家義為君

臣恩猶父子何嫌何疑而有懼意隗囂矜己飾智

每自比西伯西伯文王也與諸將議欲稱王鄭興曰昔文

王三分天下有其二尚服事殷論語載孔子之言武王八百諸

侯不謀同會猶還兵待時武王觀兵孟津諸侯不期而會者八百皆曰紂可伐矣王曰汝未知

天命乃還師高帝征伐累年猶以沛公行師今令德雖明

世無宗周之祚威略雖振未有高祖之功而欲舉未

可之事昭速速不速之速明召也禍患昭明也無乃不可乎囂乃止

後又廣置職位以自尊高鄭興曰夫中郎將太中大

夫使持節官皆王者之器非人臣所當制也無益於

實有損於名非尊上之意也囂病之而止賢曰病猶難也時

關中將帥數上書言蜀可擊之狀數所角帝以書示

囂因使擊蜀以效其信效驗也囂上書盛言三輔單弱

劉文伯在邊盧芳自稱劉文伯未宜謀蜀帝知囂欲持兩端不

願天下統一於是稍黜其禮正君臣之儀帝與囂書初用敵國禮今

黜其禮帝以囂與馬援來歙相善數使歙援奉使往來

勸令入朝朝直遙翻許以重爵囂連遣使深持謙辭言無

功德須四方平定退伏閭里帝復遣來歙說囂遣子

入侍復扶又翻說輸芮翻下同囂聞劉永彭寵皆已破滅乃遣長子

恂隨歙詣闕帝以為胡騎校尉封鐫羌侯胡騎校尉武帝置秩二千

石賢曰鐫謂鐫鑿也鐫子全翻鄭興因恂求歸葬父母囂不聽而徙興

舍益其秩禮興入見曰今為父母未葬乞骸骨為于偽翻

若以增秩徙舍中更停留是以親為餌也賢曰猶釣餌也無

禮甚矣將軍焉用之焉於虔翻願留妻子獨歸葬將軍又

何猜焉囂乃令與妻子俱東馬援亦將家屬隨恂歸

雒陽以所將賓客猥多求屯田上林苑中帝許之將如

字囂將王元以為天下成敗未可知不願專心內事

說囂曰昔更始西都四方響應天下喁喁賢曰喁喁魚口向上也音

魚容謂之太平一旦壞敗將軍幾無所厝事見上卷元年今南

有子陽北有文伯江湖海岱王公十數而欲牽儒生

之說賢曰儒生謂馬援說囂歸光武余謂儒生指鄭興班彪等棄千乘之基列國之賦兵車千乘乘繩證翻

羈旅危國以求萬全此循覆車之軌者也今天水完

富士馬最彊元請以一丸泥為大王東封函谷關為于

偽此萬世一時也若計不及此且畜養士馬畜許六翻據

隘自守曠日持久以待四方之變圖王不成其敝猶

足以霸前書徐樂之言要之魚不可脫於淵神龍失執與蚯

蚓同老子曰魚不可脫於泉脫失也失泉則涸矣慎子曰騰蛇游霧飛龍乘雲罷霧除與蚯蚓同失其所乘故也囂心

然元計雖遣子入質質音致猶負其險阨欲專制方面

申屠剛諫曰愚聞人所歸者天所與人所畔者天所

去也本朝誠天之所福非人力也賢曰本朝謂光武也今璽書數

到數所角翻委國歸信欲與將軍共同吉凶布衣相與尚

有沒身不負然諾之信況於萬乘者哉今何畏何利

而久疑若是賢曰言從漢何畏附蜀何利而久疑不決卒有非常之變卒讀上

負忠孝下愧當世夫未至豫言固常為虛及其已至

又無所及是以忠言至諫希得為用誠願反覆愚老

之言囂不納於是游士長者稍稍去之 王莽末交

趾諸郡閉境自守賢曰交趾郡今交州縣也南濱大海輿地志云其夷足大指開析兩足並立則相交應劭

曰始開北方遂交於南方為子孫基趾也余按武帝元鼎六年置交趾州治廣信時已開朔方遂交於南方為子孫基趾也七郡謂南海

蒼梧鬱林合浦交趾九真日南並屬交州余謂唐之交州峯州皆漢交趾郡之地固不可指唐交趾一縣而言也岑彭素

與交趾牧鄧讓厚善與讓書陳國家威德又遣偏將

軍屈充移檄江南班行詔命屈其勿翻於是讓與江夏太

守侯登武陵太守王堂長沙相韓福桂陽太守張隆

零陵太守田翕蒼梧太守杜穆交趾太守錫光等相

率遣使貢獻郡國志江夏郡在維陽南五百里武陵郡在桂陽南一千一百里長沙郡在維陽南一千八百里維陽

郡在維陽南二千九百里零陵郡在維陽南二千二百里蒼梧郡在維陽南六千四百一十里交趾郡在維陽南一萬一千里夏戶雅翻

守式又翻下同錫姓光名悉封為列侯錫光者漢中人在交趾教民

夷以禮義帝復以宛人任延為九真太守郡國志九真郡在維陽南

萬一千五百八十里復扶又翻任音壬延教民耕種嫁娶故嶺南華風始於

二守焉是歲詔徵處士太原周黨會稽嚴光等至

京師處昌呂翻會古外翻黨入見伏而不謁凡朝謁者必拜稽首以姓名自言見賢遍翻自

陳願守所志博士范升奏曰伏見太原周黨東海王

良山陽王成等蒙受厚恩使者三聘乃肯就車及陛

見帝廷見賢遍翻黨不以禮屈伏而不謁偃蹇驕悍同時

俱逝黨等文不能演義武不能死君鈞采華名庶幾

三公之位幾居希翻臣願與坐雲臺之下續漢志曰雲臺周家之所造圖書術籍珍

玩寶怪皆藏焉考試圖國之道不如臣言伏虛妄之罪而敢

私竊虛名誇上求高皆大不敬書奏詔曰自古明王

聖主必有不賓之士伯夷叔齊不食周粟太原周黨

不受朕祿亦各有志焉其賜帛四十匹罷之帝少與

嚴光同遊學少詩沼翻及即位以物色訪之賢曰以其形貌求之得於

齊國累徵乃至拜諫議大夫不肯受去耕釣於富春

山中地理志富春縣屬會稽郡賢曰今杭州富陽縣本漢富春縣避晉簡文帝鄭太后諱改曰富陽以壽終於

家王良後歷沛郡太守大司徒司直在位恭儉布被

瓦器妻子不入官舍後以病歸一歲復徵復扶又翻至滎

陽疾篤不任進道言以疾篤稽留道上不進於行也任音壬過其友人友人不

肯見曰不有忠言奇謀而取大位何其往來屑屑不

憚煩也揚雄方言曰屑屑不安也秦晉曰屑屑郭景純曰往來貌遂拒之良慙自後連

徵不應卒於家卒子恤翻元帝之世莎車王延嘗為侍

子京師慕樂中國樂音洛及王莽之亂匈奴略有西域

唯延不肯附屬常敕諸子當世奉漢家不可負也延

卒子康立康率傍國拒匈奴旁國猶鄰國也擁衛故都護吏

士妻子千餘口王莽之亂西域攻沒都護其吏士妻子皆不得還檄書河西問中

國動靜竇融乃承制立康為漢莎車建功懷德王西

域大都尉五十五國皆屬焉

資治通鑑卷第四十一